

ACTA
ERUDITORUM
publicata Lipsiæ
Calendis Julii, Anni M DC LXXXVII.

ABREGE' DE L' HISTOIRE DE LA
Congregation de auxiliis &c. i.e.

Compendium Historiæ de Congregatione sub Pon-
tificibus Clemente VIII & Paulo V habita, in quæ-
stione de Auxiliis gratiæ Divinæ.

Francofurti, 1687. in 12.

QUamvis autorem hujus libelli sententia & stylus vix finant
 latere, nolumus tamen, quod ipse celare voluit, conjectu-
 ra nostra propalare. Debemus interim ejus diligentia,
 quod brevi & terfa hac relatione exhibeantur, quæ ad cele-
 berrimā illā interDominicanos & Jesuitas controversiam *de Auxiliis*,
 sive de gratia & libero arbitrio maximopere pertinent, non multis
 exacte cognita; addita etiam, quæ plusquam dimidiā libelli par-
 tem constituit, insigni *Actorum Congregationis* sub Clemente VIII
 ab anno 1598 ad 1605 habitæ enarratione Latina, cuius autor
 indicatur *D. Gregorius Nunnus Coronel, Lusitanus, ex ordine Au-*
gustiniano, dictæ Congregationis Secretarius. Sed præcipue de scri-
pto Gallico dicendum nobis nunc est.

Exorditur Autor ab inquisitione, quæ fuerit doctrina Eccle-
 siæ, antequam *Ludovicus Molina* Theologus Hispanus, ex *Societate*
Iesu, suam publicare cœperit; nec illam aliam statuit fuisse, quam
 quæ a *S. Augustino & Thoma Aquinate* tradita, prædestinationem
 mere gratuitam & gratiam efficacem per se afferat, & a tota Eccle-
 siæ Catholica recepta fuerit. Hæc ex ipso Molina adstruit, quia is
 suo se invento dissidiis & hæresibus, quas vocat, novum remedium

Yy

quæsi-

quæsivisse jacet. Firmat idem alterius haud minus famigerati Jesuitæ Mariana testimonio, qui Molinæ opiniones vocarit *hesperna commenta*. Inprimis laborat, ut Concilium Tridentinum eandem Thomæ doctrinam per decreta sua asseruisse evincat. Refert eo maxime sententiam, in causa *Patriarchæ Aquileiensis*, A. 1563 a delegatis per Concilium judicibus latam, cuius acta pleraque ante annos viginti publicata esse notat. Ex Jesuitis etiam tres insignes, nempe *Jayum*, *Salmeronem* & *Laynesum* concilio interfuisse, & specialibus fundatoris sui *Ignatii* monitis instructos veteri opinioni inhaesisse memorat, quanquam *Laynesius Ignatii* successor habitu A. 1558 conventu generali, contra institutum antecessoris, qui in Theologia *Sacra Biblia*, & in doctrina Scholastica *S. Thomam* legi præceperat, efficerit ut etiam *Magistrum sententiarum*, vel alios recentiores *Summi tas* legi posse decerneretur. Ab eo enim tempore Molinam novæ opinioni studuisse, ex libro ejus *de concordia liberi arbitrii cum gratia donis* A. 1588 edito, constare existimat, in quo is triginta annos numerat, cum dogma de *scientia media* (quod novæ de gratia opinionis fulcrum est) proponere cœpisset. *Fonscam* idem de se profiteri ait, & consentientes allegare præter Molinam, *Suarezium*, *Vasquezium*, *Mendozam*. Sed longius progressos, cum A. 1581 *Salmanticæ Prudentius de Montemajori*, ex Societate Theolog⁹, theses adversus decretum absolutū aliasq; publicasset, tunc quidem a Facultate Theologica illico damnatas. Inprimis vero A. 1584, cum principatum Societatis *Claudius Aquaviva* suscepisset, & edito libro *de ratione studiorum*, Professoribus sui ordinis permisisset, ut a Thomæ placitis in quinquaginta aut pluribus capitibus maximi momenti, & ex quibus fere omnes ejus conclusiones dependeant, recedent. Licet enim eodem anno *Dominicus Bannez* ex ordine Dominicano, theses *Montemajoris*, dissimulato tamen nomine, modeste refutasset, nihilominus rupto quasi aggere in novas opiniones adversus Thomam ipsumque Augustinum effusos esse Jesuitas, inter alios *Leonardum Lesfum* & *Hammelium*, Lovaniæ docentes. Narrat inde, ut Theologica Facultas Lovaniensis A. 1587, cum amica admonitione apud Jesuitas, proposita licet *Robertii Bellarmini*, qui veterem sententiam Lovaniæ docuisset, autoritate nihil effecisset, triginta & unam propositiones eorum censura notaverit; utque idem fecerint.

rint Theologi Duacenses, interque eos doctissimus *Eustius*. Approbatas refert has censuras a plerisque in Belgio Episcopis, duobusque Archiepiscopis, *Mechliniensis* & *Cameracensis* fuisse, idque nuper A. 1679 Lovanienses, missis Romam delegatis agnovisse, & majorum suorum decretum, ejusque apologiam Pontifici qui nunc praest, denuo obtulisse, illius jussu a quatuor Theologis examinatam & probatam. Hoc patere ex relatione publica a nemine refutata, quam historiæ de vita *Christiani Lupi* insertam dicit a *Iosepho Sabatino Augustiniano Romano*. Cum vero A. 1587 & sequenti Episcopi Belgæ (sic pergit Autor) in eo essent, ut habita synodo provinciali ulterius adversus Jesuitas progrederentur, ab ipsis Lovaniensibus Theologis moniti rigorem distulerunt. *Sixtus* vero V. Papa dato A. 1588 ad Nuntium suum mandato, silentium utrique parti imposuit, vetuitque heresis mutuas inculpationes, *Lesio* privatim objurgato. Nihilominus hoc ipso anno supra allegatus liber *Moline* prodiit, *fons divisionum* & *innumerorum malorum*, ut Autor scribit, *in ecclesia*, neque impediri potuit, repetita Pontificis A. 1589 silentii impositione, quin idem liber paulo post *Ulyssiponæ* recuderetur, a *Generali Jesuitarum* approbatus. Lovanii tamen Jesuitæ A. 1590 opera intervenientium Episcoporum, Theologis Facultatis scripto promiserunt, se non nisi conformia cum illis de articulis controversis docere velle; sed in Hispania recruduit dissidium inter Dominicanos & Jesuitas, habitis Vallisoleti disputationibus. Ex his *A. Padiella*, ex illis *Didacus Nunnius*, *Didacus Alvarez* & *Hieronymus Vallensis*, quem sanctitatis fama illustrem perhibent, præcipui propugnatores erant. Cum vero Jesuitæ Pelagiani erroris publice insimularentur, ut populi insultum metuerent, consultum esse duxerunt, ut *Moline* librum ipsi ad tribunal Inquisitionis deferrent; ut & fecerunt, simul tamen petentes, ut *Dominicani*, qui jam X propositiones ex illo excerptas censuræ obtulerant, ab examinatione remoti pro partibus haberentur. Retardatum vero Inquisitionis decreto Jesuitis annitentibus fuisse narratur, licet *Salmanticensis* censuram suam ad Inquisitorum consultationem iterassent: imo Pontificem ipsum Clementem VIII, suggestoribus Jesuitis, Dominicanos pro hominibus turbidis, & quæstiones pro logomachiis scholasticis habuisse, nec prius mutatum, quam ipse controversiæ solide co-

gnoscendæ operam dedi sset. Injunxit autem (publicato A. 1594 decreto) utriusque parti silentium, ita nempe ne in concionibus, disputationibus aut libris, *de gratia & de scientia media* quidquam docearent; curarent vero, ut viri maxime idonei ex utraque parte, sententias suas *ex Scriptura, traditione, conciliorum decretis, & solidissimis Theologie principiis* stabilitas, scripto exhiberent, & quid in Molinæ libris censura dignum videretur, annotarent. Executus jussa Pontificia est Inquisitor Hispaniarum Generalis, Cardinalis *Quiroga*, secuta vero sunt Academiarum, Episcoporum & plurimorum Theologorum acria contra Molinæ dogmata responsa; vicissim a Jesuitis, Bannesi & Dominicanorum sententia, Molinæ opposita, pro Calviniana traducebatur. Exarserat eum in modum disceptatio, ut Rex autoritatem suam interponeret, editis A. 1596 decretis, de silendo & Pontificis sententia expectanda: Hunc autem Jesuitæ ipsi, mitigioris judicii spe maxime implorabant, ut causam ad se evocaret, idque obtinuerunt. Hæc itaque occasio est celebris illius *de auxiliis congregationis*, quæ d. 2. Jan. A. 1598 Romæ cepta, & sub duobus Pontificibus continuata est. Quæ in priori sub Clemente gesta sunt, is quem nominavimus *Numius* jussu Pauli V. ex Actis compendiose & docte excerpst. Hæc cum Latine extent, & sententias Molinæ earumque censuras, per congregatos Cardinales, Episcopos & Theologos, post multas discussiones, & aliquorum annorum laborem conscriptas, breviter quidem sed exacte referant, & quæstiones ipsæ aliunde notæ sint, transscribi huc non est opus. Satuerunt (ut verbo dicamus) congregati censores, Molinam partim cum Pelagio, partim cum illis qui *Semi-Pelagi* vocantur, communes tueri sententias, iisdem rationibus & argumentis niti, adeoque *Augustini & Prosperti* sententiæ, per concilia & Pontifices confirmatae, omnino repugnare, indeque librum ejus *de concordia liberi arbitrii & gratie* supprimendum, cæteraque ejus scripta, donec corrigerentur, suspendenda esse. Quæ vero fuerit Jesuitarum industria, in impedienda harum censurarum confirmatione & publicatione, ex scriptoris Galli narratione cognoscitur. In congregatione hac Cardinales erant duo, *Madritius & Arrigonius*, Episcopi tres, Theologi ex ordinibus *Carmelitarum, Franciscanorum, Augustinianorum* quatuor, & Doctor quidam *Sorbonicus Parisiensis*; quibus duo additi postea sunt,

unus

unus ex Carmelitis & alter ex Benedictinis; iterumque urgentibus, & de censorum in se duritie conquerentibus Jesuitis, *duo Franciscani*, quorū alter fuit Jo. de Rada Episcop. postea Paclensis & Archiep. Tra-nensis; denique A. 1602 quatuor alii. Inter hos erat Petrus Lombardus Episcopus Aquilanuſ, titulum Archiepiscopi Armachani gerens, & *Anselmus Monopoli Generalis Cappucinorum*, postea *Cardinalis*. Ad-esse etiam iussus est, post mortem *Madrutii*, qui congregationis ca-put fuerat, *Cardinalis Camillus Burgesius* (postea Pontifex Paulus V.) denique paulo ante Clementis mortem *Cardinalis* etiam *Perro-nius*, qui Jesuitarum causæ, Regis Galliæ jussu, patrocinabatur, et-ſi ut Autor refert, privatim eorum dogma non probaret. Licet autem Pontifex summa cum circumspectione procederet, transactiones etiam amicas tentaret, & cum frustra esset, ipſe congregatiōni ſæ-pe præſideret, & quæſtiones formaret, Jesuitis etiam ad omnia, quæ ad defensionem Molinæ pertinere videbantur, tempus & faculta-tē indulgeret; in omnibus tamen articulis, & a maxima conſul-torum parte, damnata & improbata fuit, ut dictum est, Molinæ ſen-tentia. Obiit Clemens VIII d. 3. Martii A. 1605, cum ſibi, ut refert autor Gallus, proposuſſet, in feſto Pentecostes Bullam contra Mo-linæ librum publicare. Ipſe etiam totam controverſiam ſcripto complexus erat, in quindecim articulos diſtributam, additis locis ex Auguſtino excerptis. Clementi ſuſſecſſit Leo XI, & huic poſt bre-vem viginti quinque dierum pontificatum *Paulus V.* Hic die 14 Septemb. A. 1605. primam in hac cauſa ſeſſionem habuit, quæ ſexageſima nona fuit, computatis quas Clemens VIII celebrauerat. In hac Nunnii relatio, de qua diximus recitata, præſentibus cum Pon-tifice decem Cardinalibus, inter quos *Robertus quoque Bellarminus* erat, tum plerique Prælati & Theologi a Clemente deputati. Quæ in XVIII ſub novo Pontifice uſque ad menſem Martii A. 1607 ha-bitis confeſſibus acta ſint, breviter in historia hac Gallica referuntur, eoque in ſumma redeunt, ut ex prioribus decretis nihil muta-tum fuerit, neque quidquam quod Jesuitæ objecerant, locum inve-nerit. Licet vero ſeſſione XIX mense Auguſto A. 1607 a Pontifice & novem Cardinalibus, remotis cæteris conſultoribus celebrata, de mo-do definiendi, & an his temporibus expediret ad definitionem venire, de-liberatum fuſſet, res tamen exitu caruit; neque in actis relatum re-peritur, quid conculſum fuerit. Narrat Autor, adductis testimo-

niis, ex novem Cardinalibus quatuor suspensionem, quinque decisionem suasisse. In consultorum vero, quorum decem erant, consensu, octo in condemnationem Molinæ, quoad substantiam & modum consensisse, *Armachanum ratione modi, & unicū Boviam* (quem *Augustinianū Gallus, Nunnius Carmelitam vocat*) in re ipsa dissensisse. Renovavit interim Pontifex decreta, & ultimo quidem d. 1. Decemb. A. 1607, de intermittendis scriptis in materia de auxiliis gratiae, & vi- tando mutuis hæreseos improperiis, usque ad decisionē Pontificiam. Ab illo tempore, elapsis jam fere annis octoginta, publicatio con- stitutionis Pontificiaæ impetrari, potentibus licet *Dominicanis*, non potuit. Jesuitæ vero, ut referre pergit Autor, ita temperarunt pro- fessorum suorum dogmata, iisque cautelis usi sunt, ut a crassioribus sententiis, quibus Pelagianismi vel Semipelagianismi suspicio augeri posset, sibi temperarent. Eo interpretatur decretum *Claudii Aquavive*, eorum Generalis, A. 1613. d. 14. Decembr. publicatum, & A. 1681 sub *Piccolomineo* renovatum, quod ex *Tannero Disp. 6. de gracia*, qu. 2. dub. 5. n. 86. exscriptum inserit, additis duodecim observa- tionibus, quarum pleraque ad subtilitates Scholæ de gratiae efficaci & sufficiente spectant, & in quibus (ut Autor judicat) Jesuitæ duri- tiem quam in sententia Augustini notabant, non evitarunt sed auxe- runt. Tandem ad causam a discipulis S. Augustini aduersus Molinæ defensores, ut Autor loquitur, ab annis quadraginta agitatam i. e. *Jansenianam* transgressus, paritatem hujus cum illa, quam *Domini- cani* cum *Jesuitis* habuere, ostendere nititur, tantoque gravias in hos invehitur, quod in causa Molinæ a condemnationis ignominia vix servati, cum suspensionem sententia pro magno beneficio reputare deberent, illos tamen, quos eandem cum *Domini- canis* sententiam tueri dicit, magna cum vehementia opprimant, statibus licet adhuc omnibus, quæ *Clementi VIII & Paulo V* pon- tificibus contra Molinismum deliberata, & ad publicationem pa- rata fuerunt, nullaque in contrarium Pontificum decisione: quo magis insolentiam adversariorum miratur & vituperat, qui et si yix habeant, qui illis contra Augustini & Thomæ autoritatem ad- stipulentur, efficerint tamen artibus suis, ut verioris doctrinæ cor- datissimi adsertores durissime tractatis sint. Hæc fere sunt, quæ in compendio hoc historicō continentur, & tandem in expostulatio-

nem contra ea, quæ in Gallia adversus Iansenii defensores acta novimus, desinunt. De materia ipsa, quæ paucis explicari non potest, nec hujus loci est, saltem speciminis causa in gratiam eorum, quibus talium librorum copia non est, ex Nunnii relatione, unum alterumque locum adscribemus, & quidem ex judiciis sive censuris congregationis. Pag. 135: Resolvit Congregatio, secundum doctrinam S. Augustini, & veritatem catholicam, omnino tenendum esse, in mysterio nostra justificationis gratiam Christi preponderare hominis libero arbitrio; Molinam vero ab hac Catholica doctrina prorsus defecisse. Quamvis enim hoc verba (preponderare) usus non fuerit, ex universa tamen illius doctrina de concordia liberi arbitrii cum gratia dominis, aperte deducitur, sententiam ipsius fuisse, quod liberum arbitrium in mysterio nostra justificationis preponderet gratia divina. P. 136: Resolvit Congregatio, non dari in Deo ante absolutum decretum divina voluntatis certam & infallibilem cognitionem futurorum contingentium dependentium a causa libera, & doctrinam de scientia media, per quam Molina Deo tribuit ejusmodi cognitionem, non esse secundum sententiam S. Augustini traditam, sed a Semipelagianis fuisse jam olim inventam, ut gratiae divine subtraherent, quod naturæ tribuerent, atque adeo omnino adversari iis, quæ ille adversus Pelagianos & eorum reliquias constanter docuit. Cum autem ex hac Molina doctrina multa sequantur incommoda & absurdâ, non solum contra veterem Philosophiam & Theologiam, sed etiam contra fidei principia: censuerunt omnes, e re Catholica fore, ut retenta antiqua Theologorum omnium sententia, de unica simplicissimâque Dei scientia, & ad facile intelligenda ea, quæ ad eam pertinent, illius distributione in scientiam simplicis intelligentie, & scientiam visionis, omnino exterminetur ejusmodi scientia media professio. Pag. 139: Resolvit Congregatio, secundum doctrinam Sancti Augustini contra Pelagianos, & Semipelagianos, ex divinis Scripturis plene, cumulateque comprobata in gratiam Christi efficacem esse præviam, non pedissequam, & influere in voluntates hominum, bonum motum voluntatis eorum, atque adeo bonum usum auxiliorum esse effectum gratiae efficacis. Secundum vero doctrinam Molinæ, qui negat gratiam adjutantem esse influxum in voluntatem, & constituit, gratiam & voluntatem concurrere tanquam duas causas partiales ad actus supernaturales, atque gratiam efficacem non ab omnipotentiæ

potentia Dei, & absoluta ejus voluntate, quod docuit S. Augustinus, sed ex consensu Liberi arbitrii habere suam efficaciam: bonum usum auxiliorum esse ex sola innata libertate: quod est omnino Pelagianum.

Paucis addo: in Diario, quod *Ludovicus Santamorius* de negotiatione sua & aliorum Doctorum Sorbonicorum, ab Episcopis quibusdam Galliae Romam missorum, apud *Innocentium X* habita, anno 1662 (in fol.) Gallice edidit, in additionibus p. 45. ex manuscripto Bibliothecæ Augustinianorum Romæ, conceptas censurarum formulas in XIV propositiones Molinæ exhiberi, quas novem Prælati & Theologi subscripterunt, illi nempe quos retulimus, & inter eos penultimus relationis nunc publicatae autor *Gregorius Nunnius*. Alia multa in iisdem additionibus producuntur, quibus affinitas controversiæ, quæ sub Clemente VIII & Paolo V tractata fuit, cum illa, quæ occasione quinque propositionum Jansenio tributarum, sub Innocentio X & Alexandro VII agitata est, & quomodo per condemnationem Jansenismi prospectum sit Molinismo, operose ostenditur. Memorabile est Dominicani cuiusdam scriptum p. 79. qui in Molinam ejusque sectatores invehitur, quod pro gratia Christi humanorum cordium victrice & domina, stabiliant tales gratiam (licet eam æquivoco sensu sufficientem vocent) quæ creatæ voluntatis serva sit & pedissequa; ita ut secundum eos jam prædestinationis sanctorum non ex vocante, sed ex operibus prædicanda sit, & electorum salus æterna non amplius miseren Deo, sed volenti & currenti homini plenissime deputetur. Adjicit alia vehementiora, in opinionis illius Pelagianæ auctores & defensores.

L' HISTOIRE DES DUCS DE BOURGOGNE par Mr. de Fabert.

Historia Ducum Burgundiæ, autore Dn. de Fabert.

Coloniæ, 1687. in 12.

Librum hunc invito Autore, necessario suo, cuius famam Sedani & in Belgio celebrem esse dicit, edere se profitetur autor præfationis, cui nominis loco literas L. de G. subscriptis. Inveniri putat

putat in hac historia simplicitatem Thucydidis, candorem Xenophontis, amoenitatem Herodoti, sublimitatem Livii, politicam Taciti, brevitatem Sallustii, elegantiam Curtii. Opus erat (ait) calamo, qui affectu neque Gallis, neque Hispanis obnoxius esset, putatque hoc defectu ceteros Burgundicarum rerum scriptores laborasse. Si priora illa elogia lectoribus modum superare videantur, postremum forte facilius admittent, qui scriptorem hunc de Burgundia Ducibus, non illis tantum qui Gallicæ stirpis fuerunt, sed & de *Austriacis* ita loqui deprehendent, ut in Gallicam nationem, (si ex ea ortus est) nimiæ propensionis accusari non possit. Res ipsæ quas tractat, a tot aliis autoribus traditæ sunt, ut earum enarratione, sine tædio legentium defungi nos posse dubitemus. Incipit a *Philippo* (quem *Audacem* cognominarunt) Johannis Gallicæ Regis filio natu minori, qui extincta priori prosapia, patris provisione, & fratri *Caroli V* consensu, Burgundia Ducatum obtinuit, Turonensi renuntians, anno 1364. Successit illi filius *Johannes*, quem *Intrepidum* vocant; huic *Philippus Bonus*; *Philippo Carolus*, qui continua bellis *Audaci*s cognomentum, proavo olim attributum, infelici eventu renovavit. Hujus filia & hæres unica *Maria* non Burgundiam tantum, sed reliquas etiam Belgii provincias in dotem attulit *Maximiliano* Archiduci Austriae, Romanorum postea Imperatori. Ab eo, cum filium *Philippum* præcipiti fato amisisset, ad nepotem *Carolum V* Imperatorem pervenerunt, in cuius historia desinit *Fabertq*, quæ Burgundiæ non magis, quam orbis Christiani gesta complectitur. Tam illustrem materiam nactus Scriptor, eloquio & judicio valens, lectoris spem non frustratur, nec digressionibus detinet, nisi eo nomine censenda sit insertio legum, quas *Philippus Bonus* composuit, cum equitum *aurei velleris* ordinem institueret, pag. 101. ad 143. & catalogus illustrium virorum centum & triginta, qui ordine illo decorati fuere, ad *Caroli V* usque tempora, a p. 144. ad 176; sed neminem, ut putamus, legere ista pœnitentebit. Ut vero vanitatis mundi fastidium, & cœlestis quietis desiderium legentibus inspiret Autor, invocato Spiritus S. imo & patronorum Burgundiæ *S. Andreae & Georgii* auxilio, casus illorum, quæ enarrat temporum, graphice depingit, nec dissimulat, quæ Galliæ adversa acciderunt. Sane si quis quæ illa tunc passa est, cum

præsenti Regni flore & potentia comparet, somnia narrari putabit, cum leget, quomodo Philippus Burgundus non nisi infimis pre-cibus exoratus Carolo VII pacem dederit, utque eum postea a con-juratione periculofissima liberaverit; ut Philippi filius Carolus Ludovicum XI invitum in commilitium adversus hostes suos ade-gerit, Burgundicæ crucis insignibus indutum. Taxat Fabertus scriptores Gallos, qui talia præterierint, autorem tamen irrepre-hensibilem & testem oculatum laudat *Georgium Castellanum*. Ma-ximilianum Austriacum verum instar fuisse scribit Principis magna-nimi, fortis, liberalis & humanissimi, ea etiam formæ pulchritudi-ne & vultus decore, ut amorem pariter & venerationē sui omnibus inspiraret. Miram fortitudinem ejus in prælio cum Gallis A. 1479 haud procul Terouana, quod vulgo a colle quodam qui *Guinegate* vocatur nominari solet, deprædicat, in quo 9000 Gallorum ceci-disse memorat; Cominæum, cuius fidem & alibi desiderat, reprehen-dens, quod pugnam illam extenuet, & pro velitatione describat. Mariam Burgundam Maximiliani uxorem ab elegantia formæ, a pietate, liberalitate, clementia omnibusq; virtutibus laudat, ejusque mortem ita doluisse notat maritum, ut tota vita sua nunquam ejus sine lacrymis & suspiriis meminerit. In Ludovico XI, cum, quod alii etiam magno consensu faciunt, multa vitia notasset, laudat ta-men, quod Bajazethis Turcarum Imperatoris legatos, qui jam Mas-siliam venerant, non admiserit, credens, quod Christianus esse ne-queat, qui cum hostibus Jesu Christi societatem haberet. Sed nec Ludovici XII, cuius præclaras virtutes plerique extollunt, defectus tacet, malamque ejus fidem culpat, non solum quod in bello Vene-to Maximilianum A. 1508. deseruerit, & ad hostes transierit, sed & quod A. 1506. filiam suam Carolo Imperatoris nepoti promissam, Francisco agnato & postea successori junxerit; *hanc injuriam* (ait) *Maximilianus libro suo rubro, in quem iniqua Gallorum erga se facta referre solebat, inserere potuisset.* Sane in oratione (propositio-nem vocant) quam anno sequenti Maximilianus in comitiis Con-stantiensibus ad Germaniæ proceres recitari fecit, tum typis vul-gatam, sed hodie parum cognitam, & in Archivis quærendam, in-credibilem in modum de illatis sibi a Gallis, aut quos illi in se conci-taverint, hostib⁹ injuriis conqueritur, adeo ut dicat, se cum fortissimis ducibus.

ducibus militibusque suis, quorum multa millia in bellis amiserit, ingenti etiam auri vi consumpta, tanta a prima juventute sua, & in virili postea ætate ab hostibus illis passum esse, quanta præter Christum nemo mortalium toleraverit; ita tamen a Deo adjutum semper fuisse, ut ex nulla unquam acie, in qua ipse steterit, victus aut cum ignominia discesserit, sed semper Germani nominis gloriā vindicaverit, servatis & dilatatis etiam Imperii finibus. Sed ut ad Autorem redeamus, non ita indulget laudibus Maximilia ni, ut non etiam nævos detegat; variabilem enim & plus justo credulum fuisse arguit, & quod, licet conjugii fidem sancte coluerit, antea tamen septem liberos naturales genuerit. Ubi ad Caroli V gesta Fabertus accedit, & in primis, cum de rebus Lutheri & Protestantium agit, autorum forte magis quos sequitur (inter quos & in Varillasium incidit) quam sua culpa, non uno labitur loco; ita tamen, ut liberrime reprehendat violenta remedia, quæ ad reducendos dissentientes in religione exercentur. Nec ab erroribus immunis est, quos exteri scriptores ignorantia rerum nostrorum incurunt, ubi Saxonica tangit. Albertum Saxoniam Ducem, unde Serenissimo Potentissimoque Electori, Domino nostro Clemensissimo genus est, captum a Kaufungo narrat, sed addit p. 167. eum miraculose in arce Altenburgensi custoditum fuisse: quod quid significet ignoramus; nam ex eadem arce una cum fratre primogenito raptum esse constat. Dein p. 392. scribit, Maximilianum, cum A. 1489. ex Belgio abiret, tres insignes viros tutandæ provinciæ præposuisse, nempe Albertum Saxonem Marchionem Misniae, Landgravium Thuringiæ, & Principem Chimacensem: sed sic duos tantum viros enumerat; idem enim Albertus, & Landgravius Thuringiæ, & Marchio erat Misniae. Sed leviora hæc laudem egregii scriptoris imminuere non possunt.

DEFENSE DES SENTIMENS DE QUEL- ques Theologiens de Hollande.

id est

Defensio Judiciorum quorundam Theologorum
Hollandiæ de Richardi Simonis Historia Critica V.T.
contra Responsum Prioris Bollevillani.

Amstelodami, apud Henr. Desbordes, 1686, in 8.

Anni superioris mense Septembri ad Acta nostra retulimus *Judicia quorundam Theologorum Hollandie de Richardi Simonis Historia Critica V.T.* autore Johanne Clerico Ebræarum Literarum inter Amstelodamenses Arminianos Professore clarissimo. Proximum ab iis locum *Responso* dedimus, quo Prior Bollevillanus, *Richardus Simon*, ab Hollandis sibi objecta diluere fateretur. Nec erat, ut a Clerico causam desertum iri vereremur, quamvis summum pacis inter Christianos conservandæ studium ubique præ se ferat. Ea enim verborum acerbitate in eum animadverterat Criticus ille celeberrimus, ut libellum, cuius excerpta hic daturi sumus, facile ei extorserit. Cum vero nec hanc *Defensionem* suam ab Adversario sine replica dimissum iri haut vane conjectaret, nolle se diutius litigio illo occupari solenniter protestatus est, spe certa fretus, sati se dixisse, unde eruditæ de caussæ suæ bonitate judicium ferre possent.

Opusculum isthoc *epistolis septendecim* omnino absolvitur, quæ cum maximam partem aut injurias, quas a *Simone* sibi illatas queritur *Clericus*, retundant ac satyricis compensent salibus, aut opiniones e *Judiciis* pridem excerptas iterato proponant, explicent, confirment; parum absunt, quin de earum argumento penitus nobis silendum fuisset; nisi hic illic observationes singulares non unas admixtas offendissemus, quarum quasdam huc transtulisse non erit dividia.

Epistola igitur *prima*, inter cæteros *libri Geneseos* scopos & hunc fuisse asseritur, ut ostenderetur origo omnium omnino gentium, sigillatim vero non Israelitarum modo, sed & Chaldaeorum, eo quod aut sub horum imperio, aut eo tempore, quo multum negotii iis cum Israelitis intercessit, conscriptus fuerit. Ea quippe de caussa toto capite X parcus quidem de cæterarum gentium, at longe prolixius de Chaldaeorum conditore ac gestis actum fuisse, quo patesceret simul, quanta hi vanitate observationes jactarent Astronomicas 470000 annorum, credulo nempe orbi persuasuri, origines suas ultraq; tantum temporis spatium quærendas esse.

Objecerat Simon, Paulum non appellaturum fuisse ecclesiam columnam ac fundamentum veritatis, *1. Tim. III, 15.* nisi illam infallibilem esse censuisset. Hinc epistola *quarta* obvertitur ei *Maimonides dictum in Sanhedr. per. 1. ubi Synedrium עקר תורה שבעל פה ועמורין*

וְעַמּוֹדֵי הַרָּאֵן *fundamentum legis oralis & columnas instructionis salutare haut quaquam veretur, quamvis, Clerico judice, id nullo modo infallibile crediderit.*

Affirmatur epistola *quinta*, Richardum Simonem, ut annales Regum Israel non uno, sed quamplurimis & tantum non innumeris voluminibus constitisse, lectoribus persuaderet, locum 2. *Par. XX,* 34. ex versione vulgata mala fide hoc modo exscriptisse: *Reliqua gestorum Josaphat --- scripta sunt in verbis Jehu filii Hanani, quae digestae in LIBROS Regum Israel; cum in vulgata legatur: IN LIBRO Regum Israel.* (*Conf. Acta Erud. 1686, p. 441. l. II.*)

Inter cætera argumenta, quibus hypothesis Simonis, (*Synedrium septuagintavirale a DEO Moës tempore constitutum, non interrupta successione serie ultra captivitatis Babylonica tempora propagatum, constanterque illo prophetici spiritus dono olim accepto gravissimum fuisse,*) epistola *sexta* subruitur, eminent loci 1. *Macc. IV, 46. & IX, 27.* quibus Autor non obscure innuat, nullos suo tempore prophetas fuisse.

Epistola *septima* conjectura de sacerdote Bethelano Pentateuchi compilatore, (de qua confer finem paginæ 444 *Actorum A. 1686.*) a variorum objectionibus vindicatur, quas inter non postrema hæc est: Dixerat Judiciorum autor, Pentateuchi compilationem non ante decimum octavum Josiæ annum ad finem perductam esse, cum tamen hic annus nonaginta fere annorum intercapidine distet ab eo tempore, quo decem tribus in captivitatem abductæ, ac Sacerdos ille ad novas colonias Samaritanas erudiantas reductus fuerit. Huic dubio satisfacturus *Clericus* respondet, potuisse notabile temporis spatium inde a captivitate decem tribum elabi, antequam coloniæ illæ sacerdote egerent, antequam istum a Rege impetrarent, antequam ille manum operi admoveret. Forte nec illum ipsum toti operi ultimam manum imposuisse; quin illud a sacerdote illo coeptum, variorum piorum virorum opera ac studio tam diu hic illic interpolatum esse, donec anno Josiæ decimo octavo circiter eam nauctum fuerit faciem, quam hodienum obtinet. Ut enim quam plurima in Pentateuco reperisse se credit, quæ Mosis ævo longe recentiora sint; ita multa in eo desiderat, quæ Mosen in scriptis suis annotasse probabile videatur, e. g. *Israelitas toto illo*

tempore, quo in Aegypto & deserto commorati sunt, idola coluisse,
quorum illud Ezech. XX, 7. 8, hoc Amos V, 25. 26 legitur.

Epistola octava contendit, רְבָרִי Verba Gad & Verba Nathan non libros notare a Gade & Nathane scriptos, sed res a Gade Nathaneve gestas, ab aliis vero descriptas; quemadmodum λόγοι Δαλδίδ i. Par. XXIX, 29, item verba Salomonis i. Reg. XI. 41 sunt gesta vel vita Davidis atque Salomonis. Observat phrasin US. QUE HODIE Matth. XXVII, 8 minime supposititiam esse, quod Simoni probabile visum fuerat, eo quod phrasis ista illis de rebus fere usurpari sueverit, quae multis retro annis contigerunt. Regevit Clericus, pari modo de ονυχέρωνι suis locutum esse in Catalogo scriptorum ecclesiasticorum Hieronymum. De Ambroso enim Alexandrino Didymi discipulo dicere: usque hodie supereft. De S. Ambroso Mediolanensi: usque in presentem diem scribit. De Didymo Alexandrino itemque Phœbadio Agennensi: vivit usque hodie. De Priscilliano denique, qui iussu Maximi Tyranni septen-nio ante, quam Hieronymus catalogum suum contexeret, trucidatus fuerat: Hic usq; hodie a nonnullis Gnostice --- herefes accusatur, defendantibus alii.

Epistola nona ac decima Amicus ille Clerici, (cujus de inspiratione librorum sacrorum meditationes *Judiciis Hollandorum*, epp. 11. & 12. insertæ fuerunt, quemque Natalem Albertum de Versé putarat esse Richardus Simon, sed, si Autori nostro fides, falsissime, suam sententiam latius explicat, objectionibus Simonis respondere nititur, & de Hugonis Grotij consensu sibi gratulatur. Defendit eundem Clericus epistola sequenti undecima ab intentato Deismi criminе, ac veritatem religionis Christianæ, seposita de inspiratione controversia, demonstrandam suscipit.

Epistola decima quinta negat Autor, Socino se favere, præser-tim in doctrina de divinitate & sacrificio Christi. Neque minus tamen negat, anathemate feriendos esse, qui etiam in spinoso hoc argumento hallucinentur, cultum nihilominus in Evangelio præscriptum Deo & Christo præstent. Epistola decima sexta ex styli præprimis convenientia prolixe probat, Petrum illum Ambrunum, qui antagonistam Simonis se credi cupiat, ipsummet esse Simonem.

In Epistola decima septima copia fit literarum, quas

IV Nonas Novembbris 1684 *Critobuli Hierapolitani nomine latens Clericus latine dederat ad Origenem Adamantium [seu Richardum Simonem] Synopseos novorum Bibliorum polyglottorum auctorem, de emendationibus sacrorum codicum.* Hec vero monita cum ad Simonis palatum non essent, respondit ille schedula Belgica, de cuius acerbo ac inurbano stylo conqueritur *Clericus*, refertque primam hinc originem traxisse lites, quæ postea se Simonemque exercuerint. In epistola hac latina inter cætera conjicit, emendari posse hebræos codices, si v. g ad ductum versionis Syriacæ Gen. XIII. v. 10 pro Zoar legatur *Zoan*, i. e. Tanis, fertilis aliqua Ægypti pars Israelitis olim habitata, Psal. LXXVIII v. 12; si I. Esdræ X, v. 6 pro זְרוּ וְ
ivit illuc, Κυτολογίας evitandæ caussa legatur זְרוּ וְ commoratus est; quemadmodum libro III Esdræ, ubi eadem historia repetitur, habetur ἀντιθῆς ἐνεῖ; ut alia exempla taceamus majori forsan incertitudine laborantia, quæ ordine heic recensere longum nimis foret. Audiatur jam & altera pars.

DE L' INSPIRATION DES LIVRES SACRÉS, avec une réponse au livre intitulé Défense des sentiments, &c.

id est,

PRIORIS BOLLEVILLANI epistola de Inspiratione librorum sacrorum, cum Responso ad librum, cui titulus: *Defensio Judiciorum quorundam Theologorum Hollandie de Historia Critica V. T.*

Roterodami, apud Regnerum Leers, 1687, in 4.

Antiquum suum obtinet V. CL. *Richardus Simon, Prior Bollevillanus*, ut *Historiam* suam *Criticam* magno animo atque patientia, nec minori cum verborum acrimonia, a quorumvis insultibus defendat. Patet id ex gemino illo opusculo apologetico, quod hoc anno edidit, quorum alterum quidem *Epistola ad Abbatem P. Doctorem & Professorem Theologam*, alterum *Responsum* est oppositum. *Defensioni Judiciorum* paginis præcedentibus a nobis recensita. Subprioris initium secundis curis resellere aggreditur rationes Ezechielis Spanheimii in *Epistola Amstelodamii A. 1679* impressa con-

tra Historiam Criticam prolatas, nec Theologis quibusdam Parisi-
ensibus improbatas. Probare illæ debebant, non majori reveren-
tia Biblia sacra, quam Aristotelis aut Homeri opera, tractare illum,
qui isthæc crisi suæ subjicere ac pro lubitu fingere & refingere sustine-
at. Tuetur se Simon exemplis *Origenis, Hieronymi*, autorum *Cor-
rectiorum Bible*, *Luca Brugenſis*, aliorumque virorum magni in
Ecclesia nominis, qui idem olim fecerint. Negat specialem illam
Dei providentiam, qua textum biblicum conservatum fuisse a Pro-
testantium plerisque eapropter credi putat, quod Judæorum super-
stitionibus justo nimis addicti sint. Provocat ad testimonia *Fri-
derici Spanheimii* patris *Ezechielis*, & *Iohannis Sauberti*, quorum ille
Cainanis nomen in *Luca III. v. 36.* per fraudem poti⁹ irrep̄ſſe, quam per
incuriam, additumque esse non a *Luca*, sed a corruptore *Luce*, dixerit;
Hic vero, scriptoribus, non exscriptoribus Bibliorum infallibilitatem
concedendam monuit. De cætero Protestantibus imputat, illos
non alio fine ad fontes Ebraeos ac Græcos recurrere, quam ut eo ma-
gis traditiones Ecclesiæ susque deque habere possint. Male illos
novas Bibliorum versiones in Ecclesiam invexisse, eo prætextu,
quod vulgata Latina ab Hebreo & Græco abscedat, cum nec ver-
sio *Lutheri*, nec *Piscatoris*, nec *Belgicæ* duæ *Reformatorum*, nec *Bel-
gicæ* duæ *Mennonitarum*, (quarum alteram *Jacobi Liefveltii*, alteram
Bieſtkenii typographorum nominibus ab aliis distingui refert) nec
Gallicæ, *Anglicæ*, &c. mendis careant, aut proprius ab originali textu
absint. Disputat hinc contra *Telierium Jesuitam*, (autorem *Obser-
vationum illarum*, quas suppresso nomine contra Defensionem Ver-
sionis Montensis ab Antonio Arnaldo & M. de Sacy curatæ edidit,
quasque in Actis Apr. 1686, p. 201 recensuimus) *Cardinalem Sforti-
am Pallavicinum in Hist. Conc. Trident.* statuisse omnino ac merito
quidem, vulgatam non alio sensu a Concilio Tridentino authenti-
cam nulloque prætextu rejiciendam salutatam fuisse, quam quod Ec-
clesiæ Latinæ nulla alia versio, in publico Dei cultu adhibenda, ob-
trudi debeat, cum si non in omnibus, saltem in essentialibus fidem
ac bonos mores spectantibus, incorrupta sit. Colligit inde, licu-
isse sibi ideam novæ versionis proponere, non in usum publicum,
sed privatum fidelium.

*His ita traditis, dicta variorum Judæorum ac Christianorum
coacer-*

coacervat, quos in id consensisse putat, fuisse scribas publicos θεοπνέυστος inde a Mosis tempore, qui quicquid memoria posteritatis dignum crediderint, ad acta publica retulerint; quæ cum non omnibus paterent, hinc epitomas ab aliis illinc congregatas ac populo ceu regulam vitæ & fidei traditas fuisse: unde hæ solum epitomæ variis temporibus varie a variis prophetis interpolatae ac glossematis illustratae, canonicae appellatae fuerint, non item ipsa Mosis, Josuæ, Gadi, Nathanis, Samuelis aliorumque ἀντιγραφæ, quæ θεοπνέυσται hi viri aut propria manu, aut per amanuenses suos, quales Baruch, Tertius, aliqui fuerunt, in chartam olim conjecerant. Epitomas vero has non minus θεοπνέυστæ dicendas esse, cum ex actis indubitate divinis excerptæ fuerint. Negat tamen, scriptoribus sacris verba aut res eæ divinitus fuisse inspiratas, quas aut ex propria experientia, aut veteribus monumentis nosse poterant. Ac hæc quidem hactenus ad Claudi Frassennii potissimum *Disquisitiones Biblicas* p. 132. reponere voluit.

Aggreditur dehinc *Eliam du Pin*, Doctorem Facultatis Theologica Parisiensis, qui anno superiori Parisis apud Pralardum gallice in octavo edidit *Nova Bibliotheca Autorum Ecclesiasticorum Tomum primum*, de *Autoribus trium priorum seculorum*, cum dissertatione preliminari de *autoribus librorum Biblicorum*, ubi Spinozæ quoque, Peyerii, Hobbesii refellere annis est argumenta, quibus Pentateuchi autorem Mosen esse negatur; cum ipsem interea *Dæ Pin* nec Josuæ librum a Josua exaratum autem. Graviter hinc in eum animadvertisit Simon, regulas illius de νόθειᾳ libri alicujus cognoscenda, itemque omnia argumenta, quibus Josuæ librum non Josuam authorem habere disputaverat, in Pentateuchum retorquet, quo pateat, infeliciter eum Spinozistas refutasse, imo arma illis ministrasse, quibus contra librorum sacrorum autoritatem insurgere possint. Exprobrat ei, quod Aben-Esram de Pentateucho idem sensisse dicat, quod Spinozam, cum tamen quædam solum loca indicavit, quæ Mosis ævum non videantur sapere, reliqua Mosis omnino esse professus fuerit: Quod Fl. Josephum ex Aristea & Aristobulo hausisse ea afferat, quæ de versione τῶν ὄχηται, cum nuspiciam tamen Aristobulum Josephus laudarit, unde Eruditis etiam de illius νόθειᾳ suspicio subnata fuit: Quod denique Arnaldum de Lettione

Scripturae sacræ tanta fide exscriperit, ut ipsa typographi Belgæ sphalmata emendare religioni sibi duxerit. Respondet dein objectionibus *Elie du Pin*, quas inter palmaria hæc esse videtur, improbare esse, epitomatores veterum actorum synonymis & repetitionibus, nec exactiore ordine usos esse. Regerit *Simon*, Ebræos veteres politioris scribendi generis rudes id parum curasse; scopuni epitomatorum fuisse, ex prolixioribus actis certa dicta & facta in usum plebis excerpte, retenta elocutione ipsorum authorem. Quin & vertente tempore multa glossemata synonymica ex margine in textum irrepsisse. Cum vero *Spinozam* ab *Elie du Pin* infeliciter refutatum dixisset, universas ejus objectiones ipse met expendit monstratque, nil amplius illis confici, quam quod scriptis Mosaicis hic illic additamenta & glossemata accesserint, non item, quod Pentateuchum Mosis opus perperam dicamus.

Coronidis loco afferit, ad Protestantes, non ad Pontificios periculi quicquam redundare ex critica recensione mutationum, quæ Biblia sacra subierint. Posse nimurum hasce Protestantibus objici, ut eo fortius convincantur, in dubiis id genus casibus ad traditionem Ecclesiæ recurrentum esse. Impreslam fuisse Parisiis *Capelli* Criticam, cui privilegium impetrarint *Petavius*, *Morinus* atque *Mersennus*. Mirari se itaque, qua de causa moderni Parisiensium Theologi, triga illa doctissimorum virorum cauiores & religiosiores videri, atque immitius cum *Historia Critica V.T.* ac illi cum *Critica Capelli* agere cupiant.

Hæc de *Epistola*. Sequitur *Responsum* capitibus sedecim distinctum, quo singula ac minutissima in *Defensione Judiciorum dicta* rigidissimo examini subjiciuntur. Consulto omittemus innumeram, quæ personam literatissimi viri *Johannis Clerici* tangunt. Neque tamen desunt, quæ aut Bibliis sacris, aut systemati Simoniae lucem aliquam fœnerentur, dignaque adeo sint, quæ heic recensantur...

Capite sexto, *Mazchirim & Sopherim*, h. e. *Simone* interprete, gregarii Regis scribæ aut secretarii, distinguuntur a *Prophetis* scribis. Et quamvis hi nullibi in S. literis scribarum nomine appellantur, sufficere tamen putat Prior Bollevillanus, quod *Esaiam*, *Je-hiélem*, *Gadum*, *Nathanem*, alias ejusdem dignitatis viros, Regum

συγχρόνων gesta scripsisse, Scriptura testis sit. Amolitur postea male fidei suspicionem, qua ipsum Epist. V. onerarat Clericus. Nam *libros* quidem in plurativo numero non legi in ea vulgatae editione, quæ Roberti Stephani manum criticam passa fuerit, quaque Clericus usus videatur: legi tamen in antiqua Lovaniensi, omnibusque ad placita censorum Romanorum castigatis editionibus, quæ proprie Vulgatae nomine hodie venire soleant. In Hebræo equidem legi *In Libro*; idem vero esse, ac si dictum fuisset: *In sylloge annali-um regiorum.*

Capite VII concedit Simon, prophetas post Malachia fata nulos fuisse, ac tantundem ex citato Maccabæorum libro dilucide colligi. At confundi notat a Clerico Epist. VI. prophetiam cum *inspiratione*, quarum hac, non item illa Synedrium quovis tempore præditum fuisse dixerit. Illius beneficio futurorum aliquem consicum, per hanc infallibilem fieri; quemadmodum Concilia non e Prophetis constent, a divino tamen Spiritu ab errore immunita reddantur. Nec aliter visum esse magno Hugoni Grotio in Deut. XVII, II. Huc quoque pertinet, quod Simon capite IV præmonuerat, Maimonidem cum contribulibus omnino putasse, Synedrium nunquam destitutum fuisse illo inspirationis genere, quod Spiritus S. ipsis appellatur, aliove simili; unde non mirum esse, quod *fundamentum legis oralis & columnæ instructionis* iis audierit.

Clarius sententiam suam de Pentatecho explicat cap. VIII. statuens, Pentateuchum per Mosen ejusve amanuenses conscriptum, epitomen esse veterum librorum historicorum Hebræorum, qui plura alia acta habuerint, in hanc epitomen minime relata. Eadem postea nec simul, nec semel insertas fuisse illustrationis ergo additiones non unas, glossemata, varias lectiones, supplementa, quæ tamen non tanti sint, ut gloriam conscripti Pentateuchi Mosi dubium reddere valeant.

Largitur ambabus manibus Criticus noster c. IX, phrasin US-QUE HODIE sæpiissime tempus non nimis remotum respicere, nec rarius tamen de tempore dudum clapsō adhiberi, e. g. Gen. XXVI, 13. XXXII, 32. Actor. II, 29. Negat autem ex illa sola corruptionem loci Matth. XXVII, 8. se collegisse; quin inde potius, quod codex esset, qui isthac ἐώς τῆς σήμερην non habet, nihilque Evangelistæ sensui decedat aut accedat, sive legas, sive non legas.

Displicuerat Clerico, quod *Simon pro dñs oꝝ Gen. III, 15.*
dw̄tō oꝝ legendum arbitratur, ut pronomē illud genere conveniat
cum nomine σπέρματ̄, eo quod minime insolens sit, ut cum
liber dictatur, literam initialem vocis sequentis finalem vocis p̄r-
ecedentis fuisse putet librarius. Objecerat alter locum Joh. XVI,
13. ubi persona Spiritus Sancti ἐκεῖνος τὸ ωνεῦμα audit, unde con-
cluserat, nemini mirum videri debere, quod σπέρμα γυναικός, cum
*Christi persona sit, seu s̄emē illud *nat' ἐξ οχή* tale, de quo Gal. III,*
16, pronomine masculino indigitatum fuerit. At Bollevillano
c. XI vero simile non videtur, septuaginta interpres reconditum
illum σπέρματ̄ significatum, quo Messiae personam notat, sub-
odoratos ideoque σολομονοφανῆ isto usos fuisse.

Capite XIV. negat sibi cum *Petro Ambruno* quicquam com-
 mune esse, nisi aliquam forsan paritatem styli, quæ tamen a perso-
 nato illo autore affectata videatur, ut eo tutius lateret.

LE GRAND DICTIONNAIRE DE L' ACA- demie Françoise.

sive

Academiæ Francicæ Dictionarium Magnum. Pars Prima.

Francofurti, apud Frid. Arnaldum, 1687, in 4. secundum
 exemplar impressum Parisiis apud Petitum, Academiæ Fr.
 Bibliopoli.

MEminimus in *Actis anni 1685 pag. 519.* controversiæ inter Acad-
 emiam Francicam ejusque antehac socium Abbatem Furete-
 riū enatæ, super editione Lexici cuiusdam universalis ab hoc con-
 cinnati, & ab illa impugnati. Acriter hactenus utrinque dimicatum,
 nec dum, quantum novimus, res aut per sententiam omnino decisa,
 aut per transactionem sopita est. Videlicet non privilegium tan-
 tum semet dudum obtinuisse refert Academia super confectione ta-
 lismodi dictionarii, cuius vi aliis intra certum tempus interdictum
 fit, simile quid operis occipere, sed & Fureterium plane plagii po-
 stularunt Academici, ferentes ipsum ex compilatis eorum laboribus
 magnam.

magnam operis sui partem adornasse; nec absque prodictionis nota id sibi soli sumere potuisse sine prævia cum ipsis communicatione, quod sciret jam a quinquaginta pene annis præcipuam collegii, cuius ipse socius, occupationem fuisse. Strenue quidem semet contra hæc defendit Fureterius, contendens privilegium quidem ab Academia allegatum, quantum ad clausulam illam exclusivam, non nisi per subdolam obreptionem impetratum esse, cum & praxi consuetæ & libertati commodoque reipublicæ literariæ, adeoque & Regis intentioni manifeste contrariari videatur. Plagii vero commissi suspicionem plusquam frivolam esse in rebus ejusmodi, quæ cuilibet in mentem facile venire possint, ostendit exemplo Dictionarii Richeletiani, quod & hoc plurimis in locis cum lexico Academicorum consonet, tametsi Richeleto nunquam contigisset opus ipsorum lustrare: ceterum innocentiam hac ex parte suam plenius adhuc patere posse ex collatione literarum O. P. & sequentium in dictionario suo, cum ista præcedentibus nullatenus cedere deprehendantur, non obstante, quod lexici academicci tela eosque nondum contexta sit, adeoque eo intuitu neutiquam expilationi obnoxia. Denique negavit se falcam in Academiæ messem mississe, aut in ipsius autoritatem & jurisdictionem in voces ullatenus involasse, eum in dictionario suo, encyclopædiā velut linguae Gallicæ exhibitulo, id potissimum egerit, ut terminos & nomina artium ac scientiarum (quorum tamen dictionarium academicum, communibus saltē linguæ terminis destinatum, nullam plane rationem habeat) explicaret, communibus vocabulis non nisi accessorii ac supplementi loco adjectis: unde & consensit tandem Fureterius, ut ex opere suo per arbitrios neutri parti addictos ea expungerentur, quæ ad academiæ fundum spectare viderentur, relictis tantum iis, quæ uti dictum, extra ejusdem scopum forent. Tametsi vero his non attentis Academicci Fureterium ex ordine suo excluserint, aœ preterea tantum autoritate & existimatione sua apud Magistratum pervicerint, ut privilegium, quod pro suo quoque opere Fureterius impetraverat, revocaretur, speciminis etiam ab ipso pro sui defensione editi & a nobis in *attis loc. sup. alleg.* commemorativenditio sub gravi mulcta interdiceretur; cum nihilominus Fureterius his neutiquam acquievisset, sed pro ulteriori juris sui deductione unum al-

terumque scriptum aculeatum satis & satyrico sale refertum emisisset; feruntur Academicci nihil amplius eidem reponere voluisse, ac optasse potius, ut quidam candidæ mentis extraneus ipsorum hac in causa patrocinium susciperet, quam ut per ulteriores alteratio-nes existimationis suæ periculum porro subire collegium opus ha-beret. Talem ergo extraneum dudum exoptatum, in sua tandem persona extitisse ait in præfatione libri hujus editor bibliographus, professus tamen insimul se neutri parti addictum fore, quin potius causam Academiæ ita acturum, ut totius rei decisionem publico eru-ditorum judicio relinquat, utpote quorum tribunal, sat plerumque severum, hoc in negotio quam maxime suspiciendum autumat, cum alioqui corā magistratu suo Academicos autoritatis pondere defen-sioni suæ sat pares futuros confidat. Cæterum satius putavit re ipsa quam verbis Academiæ patrocinari, indeque aptissimum fore, si Lexici specimini a Fureterio edito aliud opponeret specimen Di-tionarii Academicī: unde commodum accidisse ait, ut folia ali-quot de hoc ultimo impressa in manus curiosi cuiusdam inciderint, ab eoque sibi communicata fuerint; quorum publicationem opti-mæ responsonis loco futuram sibi persuaserit, monstraturam quip-pe reapse, tantum abesse, ut opus hoc Academiæ tam exsuccum sit, ceu quidem Fureterius perhibere voluerit, ut potius ejusdem præ-stantia clare sit ostensura, neutquam in vanum fuisse, quod huic rei tantum temporis a tot viris illustribus fuerit impensum. Opus ipsum jam quod attinet, certe sua id laude utique dignum est, ejus-que usus, maxime cum ad umbilicum usque perductum fuerit, mul-tum ad perfectionem notitiamque pleniorem Gallici idiomatis contribuet, cum non saltem plerisque vocibus phraseologia uberri-ma subjiciatur, sed & proverbia, ut quæ nimis plerumque morantur linguae non satis gnaros, ubique sollicite exponantur. Cum vero non nisi exigua hujus operis portio jam quidem exhibeat, ut quæ intra terminos literarum alphabeti A B & ex parte C consistit, hinc summopere exoptamus, ut foetus hic tot egregiorum hominum desideratissimus post tanti temporis gestationem tandem integer in lucem emergat: nec Fureterii etiam utilissimus labor ulterius sufflaminetur, quin potius expedita utriusque horum editione pro-pediem eruditorum voto ex aſſe ſatisfiat.

JOHAN-

MENSIS JULII A. M DC LXXXVII. 375
JOHANNIS SCHILTERI HERENNIUS
*Modestinus, sive Fragmenta libri τετραεγμα-
τικῶν, Commentario illustrata.*

Argentorati, apud Joh. Fried. Spoor, 1687, in 4.

Cum sumnum jus, ut proverbium ait, summa s̄epe injuria esse
soleat, nemo non videt, quam proficuum sit, eas observationes
& regulas annotare, quibus rigor ille & durities juris per aequitatis
velut secessus emolliri valeat. Certe enim haut ultima portio, quin
potius ipsa prudentiae juridicæ anima in eo sita esse cernitur, ut quis
cavere sic & consulere clientibus sciatur; quo arreptis ejusmodi via-
rum compendiis metam negocii civilis felicius attingant. Tamet-
si vero recentioris ævi Jurisconsultis haud defuerint, qui Cautelas
tales in aliorum gratiam concessere, quos inter Raymundus, Fi-
chardus, Brederodius, & recentissime celeberrimus Strykius (cujus
Tractatus de Cautelis contractuum antehac a nobis commemora-
tus, nuper adhuc prelo rursum subjectus fuit) imprimis eminent:
nihilominus, quod mireris, inter Romanos & antiquiores illos ju-
risprudentes nemo reperitur, qui huic scriptioris generi calamum
commodaverit, cujusque opera adhuc habeamus reliqua, præter
unicum Modestinum, Consiliarium quondam Cæsaris Alexandri Se-
veri & Proconsulē Dalmatiæ, qui inter alia quæ edidit scripta singu-
larem librum τετραεγματικῶν seu de Cautelis consignavit; de quo
tamen itidem nil nobis remansit, nisi quantum ejus ex generali illo
scriptorum juridicorum naufragio servare placuit Pandectarum
compilatoribus. Pauca nimirum hæc fragmenta sunt & decem
omnino legum ambitu comprehenduntur; puta legis 65: de Procur.
l. 25. ad SC. Vellej. l. 63. de Jur. dot. l. 58. sol. matrim. l. 9. de susp. tutor.
l. 4. de vulg. & pup. subst. l. 50. de adquir. vel om. hered. l. 19. de nsu &
nsufr. & redit. &c. l. 53. de cond. & demonstr. l. 45. ad SC. Trebell.
Quemadmodum vero boni vini etiam feces colligere quandoque ju-
vat, ita nec dubitavit consultissimus Schilterus paucula quoque hæc
rei tam pretiosæ fragmina studiose corradere, eademque more suo,
hoc est, erudite ac solide explicare. Hinc singulis legum modo re-
censitarum singula dicavit capita, ubi post expositam textus sum-
mam & sensum, formato certo casu statum questionis clare ubivis

common-

commonstrat, & quid cautelæ inibi contineatur, per dubitandi ac decidendi rationes plenius deducit. Qua occasione monet, non purandum esse, ac si dictarum legum quælibet peculiarem in se cautelam re ipsa contineat, aut omnia, quæ Modestinus in libro hoc scripserit, cautelæ ratione in mox habuerint: necesse enim ipsum habuisse, remedii talismodi extruendis certa prius fundamenta juris ac hypotheses præsternere, e quorum deductione Digestorum concinnatores dein æque facile quid excerpere valuerint, ac ex capitulo ipsis. De cætero & in eo speciatim occupatus fuit, ut in hisce Modestini fragmentis proposita ad usum fori hodierni redigeret ac adcommodaret, in primis quod ob mutatam multum Jurisprudentiæ faciem, harum legum quædam obsoleræ nunc esse videantur; imo pleræque, si Grœnviegio aliisque ejus similibus credere velimus; qui nec ipsam legis 19. D. de usu & usufruct. legat. decisionem amplius admittunt, quod scilicet, quando in eodem testamento uni fundus, alteri ususfructus legatus est in eo fundo, ususfructus inter utrumque horum communicetur; existimant quippe eam verborum interpretationem a morum nostrorum simplicitate nimis alienam esse: quod tametsi Nostro displiceat, optat nihilominus, ut ex professis conferendis vocabulis forensibus Romanorum cum nostratis operam impendat, idque vel mediante justo commentario ad tit. *Dig. de V. S.* vel edito dictionario seu glossario juris; eo quidem pacto, ut non tantum, quæ verba in utraque lingua significatione vulgari & naturali æquipolleant, sed vel maxime juridica etiam & civilis, doceatur; quale quid hactenus inter desiderata reponendum autumat. In capite 4. quod legem 63. *D. de j. dor.* explanat, inter alia ventilatur quæstio, num conversus ad Christianam religionem Judæus ductam inox mulierem, iterumque desertam ac processu desertionis finito, alteri nuptam, post hujus mortem in matrimonium repetere valeat? Refertur vero, adductis tam dubitandi, quam decidendi rationibus, in Consistorio ecclesiastico Jenensi ante lustrum pro negativa pronunciatum fuisse, eo quod controversiam hanc non ex jure Romano, sed ex Jure divino Hebræorum (ubi talis conjugii renovatio pro abominabili habetur,) definiendam putarent, quippe quod ratione sua etiam Christianos obliget. Cumque in eiusdem capitil 4. §. 15. obiter dictum esset de dissolutione matrimoniij

monii quoad vinculum in casu commissi adulterii, placuit consul-
tissimo Autori, ad dilucidandam plenius hanc materiam, in peculiari
Mantissa tractatui subjecta, historiam juris circa dogma hoc ecclesiæ
Christianæ latius exponere. Ubi primum ostendit, quod doctrina
de solutione vinculi in casu adulterii, in primitiva ecclesia, tam
orientali, quam occidentali, ad initium usque seculi III obtinuerit,
& ab ecclesia Græca ad hodiernum usque diem, post factam a Latina
separationem, fuerit retenta. Deinde docet, quomodo contraria
opinio ineunte seculo IV, in Concilio Eliberritano seu Granatensi
primum subnata, dehinc in Milevitano extensa, ab Augustino post
contra Pollentium episcopum asserta, in ecclesiis tamen Galliæ &
Germaniæ subinde in dubium vocata, nulla denique per 700 amplius
annos firma sanctione stabilita fuerit; donec tandem in Conci-
lio Nannetensi, postquam tot seculis varie fluctuatum hac in re fu-
erat, sententia ferretur, ut tam mulieri innocentι vivente adultero,
quam viro innocentι superflite adultera, matrimonii cum alia per-
sona esset interdictum. De cuius Concilii tamen epocha certi ni-
hil haberi monet, cum antiquiores quidem conciliorum editores
illud post Tiburiente, anno Christi 895 celebratum, collocent; Sir-
mondus vero ex probabilibus conjecturis id omnino antiquius esse
autem. Quicquid tamen de provinciali hoc Concilio sit, certe
universalis Ecclesiæ sanctionem hac de re latam, a Pontificiis, ante-
quam Tridentinum sub anathematismo hocce dogma introduceret,
produci nequaquam potuisse, Autor evincit.

*JOHANNIS MARCKII EXERCITATIO-
nes Juveniles, sive Selectarum Disputationum textu-
alium, atque Orationum in Academia Franeckerana olim
babitarum fasciculus.*

Groningæ, typis Dominici Lens, 1686, in 8.

UT spem in operibus venerandi avi sui Cloppenburgii anno
1684 junctim editis, factam adimpleret clarissimus autor, hunc
Exercitationum fasciculum, quamvis anno fere integro serius quam
e cogitaverat, per varia a typographo potissimum injecta impedi-
menta

menta, in lucem publicam emisit. In cuius Praefatione satis prolixia primum observat, inter opera Avi sui positam quoque esse Rem *Judicatam de false missa in messem theologicam ab Antonio Deusingio &c.* quam eliminandam quidem censuerit Antonii filius Hermannus Deusingius, JCtus celeb. judicans paterno nomini, quin & sibi maculam inuri repetita vulgatione litium dudum sepultarum, in primis cum multi aut ignoraturi aut ad manus habituri non essent, quæ opposuerat Parenz, sed ejusdem desiderio a se satisficeri haud potuisse, cum non putaret in operum omnium ab avo editorum collectione sui esse arbitrii, ut eam suppriineret; præterea nec sententiæ ullam institueret censuram, nec crederet ipsum Patris opiniones suas facere, aut maculam ullam inuri defuncti magno nomine, nedum ipsi, ad quem propria ingenii felicis libertate instrutum Patris defuncti placita non spectarent. Quo tamen omnem pravam amoliretur, suspicionem, Lectorem suum hic monere voluit, se non desiderare, ut vel ex avi sui litteris & excerptis, vel iudicio Leidensium, neglectis Viri ipsius prolixioribus scriptis, de ejus opinionibus irrevocabile fiat judicium; nedum ut opinioneshæ, si forte post examen justum paradoxæ videantur, ullam deteriorem de præstantissimo Filio suspicionem cuiquam injiciant. Deinde notat, se post absolutam disputationum suarum impressionem, in doctissimi viri Johannis Vlak, Pastoris Zutphaniensis, eruditissimum opusculum, quo ille eundem Ezechielis locum de Statutis non bonis, Septem exercitationibus mox recensendis a se ventilatum, vernacula sermone quam maxime illustret, incidisse, & observasse, quod censuram thesium suarum candidam instituerit, nolle tamen se fæc ipsi seu ipsius sententiæ opponere, ne male videatur liberali. Viri candorem interpretari, ac de sensu hujus textus nova contentionis ferræ reciprotetur inter Fratres, quem putet ex scriptis variis inter se collatis satis constare posse sedulo indagatori; ast ne plane sileret, quædam contra laudatum Pastorem, satis modeste tamen pro vindicanda sua sententia in medium affert. Ultimam eamque maximam Praefationis partem repetitis, ut ipse vocat, ineptiis Johannis Crassetii, Jesuitæ Parisiensis, de Sibyllinis Oraculis explodendis impendit, & sex & viginti ejus articulis, totidem theses opponit. Ipse Fasciculus sex & viginti disputatione-

putationes secundum Codicis sacri ordinem collocatas, cum ad certorum Scripturæ locorum illustrationem spectent, nobis exhibet. Quas Juveniles inscribere visum fuit Autori, quia circa vigesimum ætatis annum, quædam etiam longe ante illum sint compositæ in commemoratione Lugdunensi, neque aliqua nunc insignis facta sit mutatio, ne opus esset aliud, novusque plane labor. Agunt vero I. & II. de pena excidii, quam Deus non tantum ad contemptum festi Azymorum *Exod. XII, 15.* multarumque legum postea a Moysi latarum, sed etiam ad neglectum circumcisionis ipso Abrahami tempore *Gen. XVII, 14.* statuit; ubi rejectis aliorum sententiis, qui vel de capitali supplicio, vel ecclesiastica excommunicatione, vel morte præmatura divinitus immissa tantum, sive cum totali seminis extirpatione conjuncta, vel morte æterna eam interpretantur, exponit de exclusione a Dei foedere omnibusque promissis & beneficiis, quibus foederati ex Dei gratia fruuntur, ac ostendit nullum haecenus propositum fuisse sensum, qui non ex hac interpretatione fluere possit. Inferre enim exclusionem a Dei foedere non solum mortem æternam, sed & alias iræ divinæ demonstrationes, per mortem divinitus immissam, per seminis excidium, aut aliter sæpe liberrime instituendas: quin & exclusionem a Dei foedere, si delictum constet, excommunicationis necessitatem Ecclesiæ imponere, & si supplicium capitale Dei lex statuat, illud non excludere. III. IV. V. VI. & VII. de *Apparitione Samuelis*, in quarum prioribus non verum, sed personatum Samuelem apparuisse, quatuor argumentis ex Saulis derelicti a Deo statu, fuscitationis causa, quæ fuit Pythonissa, modo apparitionis scilicet adscensione, & apparentis persona desumptis, & ab exceptionibus Pontificiorum solide vindicatis demonstrat, in ultima vero quinque objectiones pro sententia adversa adductas diluit. VIII. IX. X. XI. XII. XIII. XIV. de *Statutis non bonis* occasione loci *Ezech. XX, 25.* ubi prolatis & examinatis per aliquot disputationes variis variorum opinionibus, qui locum hunc *aut de preceptis divine legis*, & quidem vel generaliter omnibus, sic dictis quibusdam ob difficultatem observantiae, aliis ob mortem annexam transgressoribus, aliis vero ob impotentiam ad justificandum, vel specialiter ceremonialibus, ut non bonis, ob rationes multas allegatas: *aut de penis divinis*, vel in comminationibus propositis peccatoribus,

toribus, vel actu exercitis; ob peccata populi, in fissura terræ, moribus serpentinis, cladibus illatis &c. aut de profanarum gentium statutis civilibus i. e. tyrranico jugo atque molestissima servitute istorum populorum exponunt; verba Prophetæ de statutis Gentilium idololatricis explicat, & septem argumentis suam sententiam confirmat. XV & XVI de *Promissio Eliae Adventu ex Malach. IV, 5.* quem locum non de Elia V. T. propheta, sed Johanne Christi præcursor agere, primum contra quosdam e veteribus Christianis & Pontificiis, deinde Judæorum infidelium cohortem ad oculum demonstrat. XVII. XVIII. XIX. XX. XXI de *Panè ēm̄sōiō*, qui in oratione optima ab optimo Doctore Matth. VI, 9. sqq. præscripta expeti jubetur, sed qualis innuat, inter eruditos, aliis de pane spirituali, aliis de corporali, aliis de spirituali & corporali simul interpretantibus, admodum controvertitur. Inter harum sententiarum divortia medianam suam facit Autor, eandemque refutatis cæteris veritati maxime congruam esse evincere nititur. XXII. de *Cœlibatu Pauli*, quem nonnullis impugnari, maximum collocantibus pondus in *Apologia*, quam ipse Paulus pro se i. Cor. IX, 5. instituit: aliis defendi, nixis potissimum i. Cor VII, 8. ubi Apostolus cœlibatus statum non tantum commendat, sed & eundem sibi vindicare videtur; observat Autor, & rationibus pro utraque opinione adductis sub calcem dissertationis hanc subjungit epicrisin: *Tutissima nobis ea videtur sententia cum Martyre, Aretio, Pareo, Gomaro, ac aliis, que opinionem utramque probabilem pronunciat, nec ob defectum Apostolice historie quicquam hic demonstrative afferi posse statuit.* Interim si dicendum sit, quānam sententia magis probabilis videatur, non dubitamus illi impræferre, que Pauli cœlibatum afferit, cum dictis Autoribus. *Tum quod indubie is simplicissimus i. Cor. VII I. sit sensus: tum quod cœlibatus maxime ipsius Apostolatus atque monitis consentire videatur.* XXIII. XXIV. de *Templis Christianorum*, in quibus disputationibus, contra Pontificios aliosque scriptores, e Scriptura pariter atque Historia Ecclesiastica, tempore Apostolorum publicas sacrorum conventuum ædes non habuisse Christianos perspicue docetur. XXV. & XXVI. de *Baptismo pro Mortuis*. Inter loca Scripturæ Sacrae vexatissima, & diversissimis Interpretum placitis illustrata, referendum esse dictum i. Cor. XV, 29. nullus, credo, ambiget. E quām plurimis

plurimis expositionibus ad scriptoris sacri mentem proxime accedere Autori videtur, quæ citatum locum de Baptismo a viventibus, sed loco seut uno defunctorum suscepit, cum hæc verborum simplicitati & propositionis modo maxime congruat, eiq; nec historia repugnet, hæc viam argumenti Apostolici maxime urgeat, hæc cum antecedentibus & consequentibus optime cohæreat, hæc nihil secum incommodi trahat, hanc etiam Viri maximi ac ὁρθοδόξων tenuerint.

Hisce Exercitationibus recensitis Orationum quaternionem, quarum prima de Augmento scientiæ Theologicæ, habita in solenni introductione ad Ordinariam Theologiæ in Academia Franekerana Professionem d. 15. Septembris A. 1676; altera in obitum D. Nicolai Arnoldi recitata post ductum funus d. 22. Octobris A. 1680; tertia de Cœlitum Stolis Albis dicta in inauguratione ad Academiæ Rectoratum, ipsis Kalend. Junii A. 1681. quarta de conficta Constantini donatione habita in depositione Rectoratus ac abitu ad Academiam Groningo - Omlandicam, ipsis Kalend. Junii A. 1682. subjunxit Autor.

ECCLESIAE GRÆCÆ MONUMENTA. TOMUS TERTIUS, PARITER EDITORE & INTERPRETE JOB. BAPTISTA COTELERIO, SOCIO SORBONICO ATQUE LITERARUM GRÆCARUM LECTORE REGIO.

Paris. apud Franciscum Muguet, A. 1686, in 4.

DE Autoris instituto in Actis nostris Cal. Maj. A. 1682, p. 135. ab unde dictum est. Quamobrem sine ambagibus quæ tertio hoc volumine continentur ecclesiæ Græcæ monumenta recensebimus. Occurrit I. Sylloge quæstionum ex Hesychii Presbyteri Hierosolymitani evangelica consonantia per compendium excerpta, ejusdemque Hesychii quæstio: cur Johannes crucem ab ipso Christo, reliqui vero Evangelistæ a Simone Cyrenæo portatam referant? II. Oratio in laudem Basilii M. ab Ephræmo conscripta & latine quidem inter Ephræmi opera, sed græce hactenus nondum edita. III. Evangeli Scithensis capita ascetica cum epistola ad Anatolium, ejusdemque

que de re monastica libellus, & de nomine Dei tetragrammato; quod Hebrææ lingua ignarus ~~non~~ pronunciat, fragmentum jam antea a Johanne Crojo in specimine conjecturarum ad loca quædam Origenis, Irenæi, Tertulliani & Epiphaniæ, sed minus corredæ & siue Evagrii nomine editum, cui subjicitur narratio quædam ex vita Evagrii a Palladio descripta. IV. Johannis Chrysostomi homilia in illud Matth. XXI, 23. in qua potestate hæc facis? V. Capita nonnulla historiae Lausiacæ a Palladio conscriptæ e duobus Colbertinae bibliothecæ codicibus collecta, & græce hactenus nondum vulgata. VI. Egyptiorum Monachorum historia sive Paradisus. VII. Nihil de octo vitiis tractatus, non ille, quem Franciscus Combesius in novissimo BB. P. P. auctario, & Josephus Maria Suarezius in collectione opusculorum Nili latinitate donaverunt, & cum antiqua versione Emericus Bigotius post Palladii de vita Chrysostomi dialogum iterum typis imprimi curavit, sed alius, qui nunc primum græce prodit, cum hactenus in operib⁹ Damasceni ex Jacobi Billi versione latino tantum habitu comparuisse. VIII. Vita Sabæ a Cyrillo Scythopolitano scripta. IX. Timothei Presbyteri CP. libellus de triplici hæreticorum receptione, e codice regio, qui a Possevianæ, Meursiana, Combesiana cæterisque editionibus haut parum discrepat, expressus, ejusdemque libelli compendium ex Nicone Pandecte descriptum. X. Anastasi Sinaitæ de tribus quadragesimis, & Anastasi Cœsariensis de jejuniis Deiparae tractatus, & non nulla ex Nicone de jejuniis excerpta. XI. Nicephori CP. canones Synodici & epistola canonica. XII. Johannis Presbyteri epistola ad Leonem Grammaticum Archiepiscopum Calabriæ, cum Leonis canonico responso. XIII. Johannis Zonara canon in Deiparam, qui ex interpretatione Genebrardi in B. B. P. P. latine tantum & truncatus extat. XIV. Theodori Balsamonis epistola de Rasophoris. XV. Græcorum criminationes adversus ecclesiam Latinam cum epistola ad Innocentium III. XVI. Phileversus in Spiritum Sanctum.

Hæc ecclesiæ græcae monumenta Cotelerius notis imprimis criticis sic illustrat, ut quavis occasione data ad alios quoque Autores discurrat, suamque iis emendandis operam impendat, nec raro joculares quosdam sive librariorum sive interpretum errores, quibus & notarem recreari, & lectorum oblectari dicit, observet, qualis
ille

ille apud Blaſtārem in Synodico Beveregiano, ubi litera n. c. 32. interpres non animadvertit pro νῆφων vigilans legendum esse Νίφων, quod est nomen proprium Metropolitæ Cyziceni, & apud Philoponum libr. 4. c. 5. cosmopol. ubi cum inter varia maria recensentur πόντοι ὁλυγυστικοὶ, interpres non attendens articulum præpositivum ὁ a voce λιγυστικοὶ divellendum esse, mare Oligysticum vertit pro Ligustico, & apud Anselmum Havelbergensem dial. 3. c. 6. ubi legitur: *in qua heresi Ariana principius fuit Eusebius, qui relicta hereticorum civitate primo concupivit & possedit Nicomedensem ecclesiam, postea vero hanc Cplitanam ecclesiam invasit, cum legendum sit: relicta Berytiorum civitate, siquidem hunc Eusebium Berytiorum episcopum fuisse constat, antequam Nicomedensi & Cplitana ecclesia præfessus.*

Cæterum cur Cotelerius observationibus magis necessariis prætermisis frequenter ad externas & minus utiles notas dilabatur, ejus rei cauam ipse hanc exponit, quod cum ob assiduum morbum nova investigare non posset, veteres animadversiones ex adversariis suis protrudere coactus fuerit, ne consumpti in bonis literis labores funditus perirent. Ex morbi enim pertinacia mortem suam vir doctissimus præfigiebat. Unde in ipso notarum limine, nos quoque ait, non pauca e variis MSS. collegimus, eaque in lucem emissuros polliceremur, nisi jam longioris vita spes decollasset. Quare voluntibus lampada tradere cogimur. Et in epilogo notarum iterum, has notas, inquit, breviores quam par erat, duplii de causa confeci, tum ob languorem continuum, tum ut citius tomum quartum aggrederer, quanquam vix spes sit perficiendi, enitar tamen pro viribus. Cum enim illa Sylloge non inutilis censeatur, oportet me colligentem atque scribentem mori. Nec vanus augur fuit. Nam diem 12. Augusti anni superioris vita sua extreum habuit.

*LA REUNION DES PROTESTANS DE
Strasbourg a l'Eglise Romaine également nécessaire
pour leur salut, & facile selon leurs principes. Par le P.
Jean Dez de la Compagnie de JESUS.*

id est

P. Johann.

P. Johannis Dez, ex Societate Jesu, Tractatus de reu-
nione Protestantium Argentoratensium cum Ecclesia Ro-
mana, ad eorum salutem necessaria, & secundum
ipsorum principia facilis.

Argentorati, apud Dolhopfium, Typographum Episco-
palem. A. 1687 in 8.

Annus jam alter vertitur, cum fama de concionibus ad Argento-
ratenses, Augustanæ Confessioni addictos, Romanæ Ecclesiæ
restituendos habitis, longe lateque percrebuit, spes etiam de eorum
publicatione facta est. Dum vero hæc differtur, fuere, qui varias
moræ causas spargerent; aliqui etiam de approbatione libri dubita-
runt, suspicantes plus oblatum fuisse a præcone pacis, quam supe-
riorum suorum consensu præstare posset. Sed suspicionem tollit
publica, quæ libello nuperiime tandem edito præfixa est *Vicarii E-
piscopalis* approbatio d. 2. Jan. hoc anno data, & permisso *Provin-
cialis Jesuitarum Campaniæ*, quæ in fine invenitur, diem 16. Febr.
præferens. Ipsa vero materia & structura libri satis ostendit, falsos
esse, qui putarunt, alia concionatorem proposuisse *reunionis* media,
quam ipsi per suæ religionis placita licuerit, nisi forte de pulpito
mollius effatus est quædam, quam calamo expressit: quanquam &
hunc ita temperavit, ut eo nomine, & ob perspicuum, elegantem
atque tersam dictiōnem merito laudandus veniat. In ipsa tamen
dedicatione, qua Regi Christianissimo grande nomen, a Deo, ut scri-
bit, ad exemplum Davidis II. Reg. VII. 9. concessum, evehit, & op-
pressionem *Reformatorum* in Gallia omnibus ejus gestis præfert,
spargere quædam videtur, quæ solitum post libellos hujusmodi e-
ventum minantur. Suggestit enim argumentum, quo Rex moveri
possit, ut promissam Argentoratensibus, & huc usque servatam liber-
tatem circa religionem, obstare reductioni illorum ad Ecclesiam
Romanam amplius non patiatur, sed *sanctam impatientiam* sive de-
fiderium impleat, quo se & socios ardere dicit Autor, ut Argenti-
nam Romano-Catholicam videant, exemplum, uti sperat, Alsatia,
imo toti Germaniæ præbituram. Ait enim (idque postea p. 398.
repetit) *Missionem*, a qua totius cultus Romani summa pendet, teste
Sleida

Sleidano, non abolitam, sed tantum *suspensam* per decretum Se-natus A. 1529 fuisse, donec ejus assertores demonstrassent, esse cultum *Deo gratum*; quod nunc factum esse, sine dubio confidit. Spem il-lam suam confirmat in *præmonitione* quæ *dedicationem* sequitur, quod Argentoratenses, quorum majores edito A. 1598 libro *de Ordine Ecclesiæ sue*, Lutheri dubitationem de authentia Epistolæ D. Jacobi probaverint, ab ista tamen ante annos quindecim, revisa & ite-rata *Ordinis* illius editione recesserint, idem in aliis capitibus non minus facile facturi videantur. Principia inde & regulas in hoc præloquio præstruit, & utriusque parti communes esse putat, per quas examen controversialium peragendum sit. Ex illis conclusiones elicit, quæ in fine libri leguntur, quas hic anticipare lubet, ut scopus Autoris in titulo jam indicatus tanto liquidius, antequam ejus stabi-limenta proponamus, cognoscatur.

Prima itaque conclusio est: *Ecclesiam Romanam esse adhuc ho-die, ut olim, veram Ecclesiam Iesu Christi*; erroribus enim fundamen-talibus carere, & quod falso tales illi imputati fuerint, ab ipsis jam agnosci Protestantibus Argentoratensis. Ex horum sane ore XIII ejusmodi errores p. 438. & seqq. enumerat, de quorum præci-puis in enarratione hac nostra mentio occurret. Altera conclusio est: *non esse fidem divinam, nisi in Ecclesia Romana*. Cum vero fides divina non nisi verbo seu revelationi Dei innitatur, multus est in hujus conclusionis probatione, ut traditionem cum verbo scripto æ-quiparet, & ius infallibiliter interpretandi Scripturam Ecclesiæ Ro-manæ afferat; ostensis incommodis, quæ sublata tali definitionis po-testate, & per interpretationes privatas oriuntur. Hic ad multipli-ces dissensiones inter eos, qui a Romana Ecclesia discesserunt, pro-vocat, & *Matthiae Prætorii*, quem pro Lutherano habet, *Tubam pacis* allegat. Hac etiam occasione responsum Lutheri, quo protertos reprehensores versionis suæ, & formulæ illius vexatissimæ *sola fide*, acriter repressit, non leviter exagitat, p. 475. Tertia conclusio est: *reunionem Argentoratensium necessariam esse ad eorum salutem, & facilem secundum ipsorum principia*. De necessitate constaret, si con-cederetur, quod asseverat, in sola Ecclesia Romana fidem divinam ipsamque salutem quærendam esse; *facilitas* jactatur, quia nunc di-cerint, errores fundamentales non esse in Ecclesia Romana, & ve-

ritatem quæ in ea doceatur, ignoratam huc usque, jam perspexit; accedere Regis omnium maximi potentiam, sub qua tuti, nihil metuendum habeant ab illis, quorum societatem olim impune non reliquisten.

Ex his facile judicabunt lectores, quid agendum fuerit Autori, ut destinata exequeretur. Secutus enim numerum & ordinem articulorum Augustanae Confessionis, Romanæ Ecclesiæ dogmata, quam potest speciosissime proponit & defendit; si non novis argumentis, at non sine grata quadam novitatis figura, eamque personam assumens, quæ ex conscientia sua & sincere agere videatur. At eodem candore producendi fuissent, quos in scena sistit, colloctores ex parte Argentoratensem, qui non solum concederent, de quibus nulla est controversia, sed qui etiam regererent, quæ possebant & debuissent, non qui his neglectis, aut dissimulato quæstionis statu, causam suam ipsi proderent. Illiberalis enim certaminis genus est, cum subornatis pugnare. Sed Autor excusationem sibi præparasse videtur, dum in præloquio scribit: *loqui facio Protestantes Argentoratenses, qui non sunt pervicaces sive obstinati, eosque constringo, ut conclusiones forment, ex principiis examinatis consequentes.* Ita referre deprehenditur, non quæ illi dixerint, sed quæ ipse dici ab iis voluerit. Quicquid sit, dubitare non potest, eos qui illa locuti sunt, quæ in libello hoc ipsis tribuuntur, jam pro reunitis & ad Romanam Ecclesiam reductis merito esse habendos. Id constabit, responsa eorum ad articulos legentibus, ex quibus quædam recensebimus, si prius aliquid excerptserimus ex iis, quibus Autor suam exponit ornatque sententiam, recentiores scriptores Richelium, Walemburgios, Bossuetum, aliasque imitatus. Omnia persequi nostri instituti ratio non fert, & controversiarum exactior tractatio alterius foris est; exempli igitur & historiæ causa laboramus. In Art. IV. de justificatione p. 24 & seqq. pro communibꝫ concesisque hæc ponuntur: *hominem gratia justificari per misericordiam Dei: Christum sum meritum esse justificationem, patrique satisfecisse: hujus meriti applicationem necessariam esse salvandis: applicari autem per sacramenta baptismi & penitentie. Opera sive legis naturalis sive scriptæ, quæ fidem præcedunt, soliusque liberi arbitrii natura fiunt, nullam justificationis partem constituere: fidem multum prestare, neque absque fide pecca-*

peccatores iustificari: neminem autem iustificari a Deo, cui non simul infundatur gratia charitatis. Vocabulo justificationis Romano-Catholicos & remissionem peccatorum & infusionem gratiae; Protestantes plerosque remissionem saltem peccatorum intelligere, gratiae vero infusionem ab iis vocari renovationem & sanctificationem. Hic cum alia quærant moneantque quos introducit, collocatores, arcam tamen questionis, an sola fides sit medium applicativum, & an bona opera auctum justificationis ingrediantur, non petunt, sed occulta controversia cardine, acquiescant responsis generalibus, iustificari nos gratuito: Christum solum meruisse remissionem peccatorum, & phrasin imputationis eo sensu ferri posse, ut intelligatur, gratis infundi peccatori reconciliato iustitiam sanctificantem, eique applicari satisfactionem Christi, ac si ipse peccator eam prestitusset. Verum est, concedi etiam a Jesuita, fide iustificari hominem; sed addit, meritum Christi sola fide nunquam applicari, nisi fiducia de remissione peccati per Christum impetranda simul inspiretur, & amoris principium quoddam, quo homo ad odium peccati & novae vitæ studium feratur, ideoque fidem mortuam a D. Jacobo rejici, & dicta Scriptura de fide iustificante intelligenda esse *dejustitia inchoata*, quæ soli fidei debeatur, quia opera præcedentia nihil efficiant, & fides sit omnino gratiae initium. Si vero de justitia perfecta, per quam homo iustus & amicus Dei fiat, loquatur Scriptura, certum esse, hanc soli fidei a Scriptura non tribui, sed fidei vivæ, quæ menti dispositiones inspiret, quas Deus a peccatore exigit, ut eum gratis per Christum iustificet. Hæc ita admittunt collocatores, ut p. 35, respondeant, per fidem iustificantem se intelligere eam, cui juncta sint opera: (*formatam* cum Scholasticis dicere potuissent) & per justificationem intelligi simul posse *renovationem*. De bonis operibus *Artic. IV.* docet Autor, illa non nisi præveniente & cooperante gratia Dei fieri posse, illique soli gloriam eorum deberi, nec nisi virtute meriti Christi ea esse meritoria, iisque præmia in hac & futura vita promissa. Instantibus tamen Protestantibus, quos instruit, respondet p. 49. justum per bona opera mereri augmentationem gratiae sanctificantis, & per consequens gloriae; quia enim diversi hi gradus gloriae nihil aliud sint, quam ipsa vita æterna, quam Deus bonis operibus promiserit, certum esse, hoc sensu dici posse, quod mereantur vitam æternam.

Isto modo in plurimis aliis capitibus philosophatur, ut ambiguae probabilitati ubique locus sit, maxime etiam ut videtur, cavens, ne Romanae religionis Theologis præjudicium afferat, quos in plurimis materiis rixari (*ils se querellent sur une foule des matieres*) mirum non esse dicit, p. 143, quia Deus mundum tradere disputationibus eorum ipse voluerit, Eccl. III, ii. Exemplo esse potest *Articulus XVIII.* In hoc, ne acerrimas inter Dominicanos aut Jansenistas & sua societatis Doctores plurimos, qui Molinam sequuntur; disceptationes incurrat, Protestantum solum dogmata refert, sua aut sociorum præterit. Proponit autem ex Protestantium ore (1) quod homo sit liber in rebus naturalibus & civilibus. (2) quod nullam habeat libertatem sine gratia Spiritus Sancti in rebus supernaturalibus. (3) quod Deus serio velit (voluntate antecedenti) salutem omnium, etiam non electorum. (4) quod Christus pro omnibus mortuus sit, etiam pro damnatis. (5) quod omnibus det gratiam necessariam & sufficientem ad salutem. (6) quod homines sua malitia resistere possint & resistant gratiae, ideoque sua culpam pereant, non ex decreto quod voluntatem hominis cogat. (7) quod justificati gratiam per crimina amittere possint & damnari. Ad hæc epicrisis loco subjungit p. 268: *rogantur a Catholicis Protestantes, ut in hac doctrina subsistant, quam a biennio Argentorati docuerunt, neque turbari se patientur per ea, que Lutherus & discipuli ejus aliter forte docuerunt.* Addit promisso hoc illos, & agnoscisse, quod male fecerint, qui ob hanc doctrinam ab Ecclesia Romana discesserint, ut contrariam statuerent. At clarius in aliis capitibus, quæ maximam schismatis causam præbuerunt, in castra sua Argentoratenses traducit, v.g. Art. VII & VIII de Ecclesia, & versantibus in ea hypocritis. Post longam enim centum fere pagellarum catechisationem, Protestantes *ut viri honesti* (gens d' honneur) sustuntur, qui concedunt, *Ecclesiam Romanam ab initio suo, per secula septendecim veram fidem continuasse, & Episcopis Romanis Petri successoribus primatum jure divino deberi;* agnoscunt continuam Ecclesiæ veræ visibilitatem, in qua non salvati solum homines sunt, sed & singulare sanctitatis dono inclarerint, v.g. *Bernardus, Franciscus, Gerson.* Moveri se dicunt Episcoporum perpetua successione. Wiclefi & Hussi discipulos ab Ecclesia excludunt, & Lutherum novam incepisse non dissentunt. Sic affectis Catechumenis

menis hisce, & plene ut p. 146 refert, convictis Magister sex durissima pronuntiat decreta, quibus solam Ecclesiam Romanam pro vera, Protestantē autem pro hæretica proclamat; in illa sola verum verbum Dei recte intellectum, & veram fidem divinam collocat; non nisi humanam, etiam in articulis orthodoxis, Protestantibus concedens. His stantibus brevem aphorismum subjungit, totam litem direc tam esse. Hi responderunt p. 150, se ista omnia perfecte comprehendere, & ut viros qui bona fide veritatem indagent, justa illa effata satis penetrare. Quis jam ab his alia expectet? Eadem igitur submissione audiunt Art. X de S. Cana; quæ ejus occasione de transubstantiatione, de adoratione sacramenti, & contra omnipræsentiam Christi hominis, disputat; neq; repellunt, quæ ex Lutherio ipso adducit ex libro de Captiv. Babylon. A. 1520. edito, cum transubstantiationis dogma pro indifferenti adhuc habuit; licet postea & id, & alia inter initia disputationis suæ retenta, apertissime retractaverit. Sic Art. XI & XII confessionis particularis necessitatem agnoscunt; Tridentini concilii æquitatem probant, quod eorum peccatorum enumeratione contentum sit, quorum post diligentem excussionem confitentes remisiscuntur; satisfactionem etiam merito exigi, & ad levandas pœnas temporales proficere concedunt. Non minus liberales sunt in admittingendo septenario Sacramentorum numero, Art. XIII, & pro calumnia habent, quæ circa opinionem de opere operato Romanæ Ecclesiæ imputantur. Miserrime vero affliguntur, & commiserationem excitant, cum ex Magistri dictamine ad Art. XIV cum terrore (p. 248, 254) percipiunt necessitatem ordinis & missionis ab Episcopis, & quod hi jure divino presbyteris propositi sint: sic enim & primis Reformatoribus, & hodiernis Ecclesiæ Protestantū ministris omne jus docendi & sacramentorum administrandorum intercidit. Ita exautoratos se agnoscunt, & nullam Art. XV difficultatem faciunt, circa ceremonias a Romana Ecclesia præceptas, nec Art. XIX circa cultum sanctorum; liberati maxime ab illa sollicitudine, an & quomodo sancti preces hominum audiant: docentur enim p. 277 ex Hug. de S. Victore, nihil referre, sive audiant sive non audiant, Deum enim nihilominus in sanctis suis coli. Optime capiunt, quod idem sit sanctorum qui vivunt, & eorum qui mortui sunt, intercessiones querere. Improbant, quod idolatria imputata fuerit Romanæ Ecclesiæ.

clesiae, & quod in *Apologia Aug. Conf.* negetur cultus iste ante Gregorii Papæ tempora in Ecclesia fuisse. Discunt, non præcipi cultum sanctorum, sed suaderi aut licitum haberi. Has scilicet veritates tanquam nunc demum cognitas, reverenter & prompte suscipiunt; pro solatio vero indicat illis Magister, indies severiores leges in Ecclesia Romana adversus abusum cultus sanctorū ferri & expectandas esse. Ex epilogo, qui articulis doctrinalibus Aug. Conf. subjicitur, magnum argumentum reperire sibi visus est Autor, in verbis, quibus Protestantes asserunt: *nihil esse in sua doctrina, quod discrepet ab Ecclesia Romana, quatenus ex scriptoribus cognoscitur.* En, ait, agnoscentes Romanam Ecclesiam fuisse & esse adhuc veram ecclesiam, quia nihil contra eam credere aut docere volunt; dein abusus solum quosdam in ritibus notant, probant igitur fidem. Irridet eos, qui putant sermonem esse de antiqua Ecclesia Romana; de ea enim (ait) agunt, in qua sunt abusus, a qua secedunt, a qua pro hæreticis habentur. Hic quoque aqua hæret collocutoribus illis Argentoratensisbus, ideoque haud difficulter concedunt, non adversari articulos Aug. Conf. Ecclesiae Romanæ, sed omnes ita explicari debere, ut cum ejus sententia concordent, & inde actū, ut Lutherani in Alsatia animum retinuerint, redeundi in Ecclesiam Romanam, crediderintque salutem in illa inveniri posse, & ab omni errore in fundamento eam immunem esse; nec abusus in ritibus obstare, quo minus sit vera Ecclesia, imo nec abusus in ritibus recte explicatis deprehendi. Tanti jam judice Jesuita ejusque neophytis, post tot annos constat, quod *confessionis autores stylum temperarint, veritatis professione & modesta errorum indicatione contenti, neque plane desperantes de adversæ partis emendatione.* Interim, si locus est huic interpreti, omnium mortalium ineptissimi fuissent confessores, si per Romanam Ecclesiam, cui obloqui nolebant, illam intellexerunt, quæ illo tempore vigebat & conspiciebatur. Menzerus (ut unum ex millibus allegemus) clarissimus inter nostros Theologus, ad epilogum illum nihil minus, quam talem glossam cogitans, ita commentatur, in exegesi sua ad verba: *quatenus illa ex scriptoribus (antiquis, addit, & probatis) nota est: Observa discrimen inter Ecclesiam Romanam veterem orthodoxam, & recentiorem ab Anti Christo subjugatam.* Sed non confessores illi tantum, hoc qui iis nunc tribui-

tur,

cur, sensu omnium ludibrio sese prostruisserent, sed nec levius Caro-
Ius V Imp. omnesque Romanae religioni inhärentes Imperii proce-
res incurrisserent, tam severo editio, quale in comitiis illis adversus
confessionem editum est, in eos detonantes, qui nihil contra eam,
quæ tunc publice docebatur, Romanae Ecclesiae fidem & discipli-
nam statuissent. Recensent autem in decreto sat longo ordine,
quæ contra illam religionem novari existimabant, quam ipsi veterem
& incorruptam credebat, Protestantes vero erroris & innovatio-
nis arguebant, ad veriorem & incorruptam antiquitatem provo-
cantes.

Pauca addemus ex traditis Deziis ad articulos septem Augustanae Confessionis de abusibus, cum pleraque ex præcedentibus intelli-
gendi possint. Artic. I de *communione sub utraque*, omnibus quæ
proferris solent, argumentationibus laborat Autor, ut sacerdotibus
solis cum jure consecrandi usum sacri calicis vindicet. Ita miseri
illi ex disputatoribus discipuli, agnoscunt p. 358, in cœtu Prote-
stantium ob defectum *ordinationis episcopalis*, nil nisi panem &
vinum porrigi; meliorem itaque esse Romanensem conditionem,
neque præceptum de communicando *sub utraque* tutum aut evidens
esse fatentur. Ecclesiam non minus jus ad tollendum calicem ha-
buisse, quam ad baptismū ex submersione in aspersionē mutandum:
ad preces tamen descendunt, ut a Pontifice hodierno, permisso utri-
usq; speciei obtineatur, responsumque ab Autore concionū accipi-
unt, p. 359, si redierint ad obsequium, & errorib⁹ per quos rigorē Pon-
tificis huc usque commeruerint, renuntiarint, sperandum esse, quod
Deus inspiratus sit Pontifici, quæ ad salutem fidelium maxime
proficia sint futura. In Artic. II de *matrimonio sacerdotum*, ea-
dem facilitate succumbentes, aliqua spe eriguntur; dum promitti
audiunt fore, ut illis ex pastoribus, qui post conversionem continen-
tiā servare velint, dispensatio detur, ordinem sacrum obtainendi,
ejusque gratiæ initium jam a Papa Argentorati factum esse; reli-
quis a regia munificentia idem expectandum, quod exemplo toti
Europæ admirando noviter conversis præstare Rex soleat. Art. III
de *Missa*, allatis vulgatis omnibus, quæ recensere superfluum esset,
Protestantes Missam non solum concedunt sacrificium *commemo-
ratorium esse, sed & propitiatorium*, non quidem (ita enim hoc ex-
pli-
cat

plicat Jesuita) ut causam quæ remissionem peccatorum mereatur, aut Deo plene satisfaciat, sed ut instrumentum, quo per formam impetrations meritum & satisfactio Christi applicetur, p. 399: hoc sacerdotio & sacrificio carere Ecclesiam non posse, illudque etiam pro mortuis esse offerendum, Judæ scilicet Maccabæi exemplo. Et eodem fundamento purgatorium quoque credunt, mire etiam gaudent p. 402 (*ils sont ravis d'apprendre*) quod intelligent, animabus in purgatorio non nisi per modum suffragii per Missas succurri, & penes Deum stare, an admittere illud velit: delectatos se etiam esse dicunt lectis, quæ Concilium Tridentinum pro Missa & contra ejus abusus definiverit, & petunt, ut hæc quam primum in omnibus Ecclesiis Argentoratensibus restituatur. Art. V (nam IV de confessione supra in Art. de penitentia tractatus fuit) sine difficultate admittitur doctrina de discriminе ciborum, & de jejuniis ab Ecclesia indicatis, per quæ tamen solum *dispositio fiat* ad obtinendam misericordiam Dei, nemo autem justificationem ipsam mereatur. Art. VI itidem agnoscunt doctrinam Romanam de votis monasticis Scripturæ fundamento niti, & quod Lutherus & alii, qui ea violaverint, Spiritum Dei non habuerint; libenter autem intelligunt, quod non ex definitione ecclesiæ, sed ex privata doctorum opinione monachatus æquiparetur baptismō, & quod præceptis Evangelica consilia non præferantur, sed tantum perfectior eorum status estimetur, quī & præcepta & consilia simili observant; item quod confidere jubentur, reformatum iri vitæ monasticæ enormitates. Art. VII & ultimo *de potestate Ecclesiastica* omnia, quæ in Romana Ecclesia de ea statuuntur admittunt, ut Scripturæ & antiquitati convenientia; deprecantur solum nimiam legum multitudinem, læti interim, quod Magister statuat, solum Deum conscientias obligare, per præcepta licet Ecclesiæ. In fine subneditur *Revocationis* formula, quam *professionem fidei Catholicæ* vocant, exacte ad placita Concilii Tridentini effabricata. Eam jurati subscribere tenentur omnes, qui in gratiam Romanæ Ecclesiæ recipi volunt, nulla in quoconque scrupulo, magno aut parvo, restrictione aut moderatione cuiquam permitta.

Hæc illis, quibus spes aliqua superfuit, de nescio qua compositione per mutuas relaxations expedienda, abstergere omnem illius

Illius opinionis fucum possunt. Quantum enim post tot verbo-
rum artes & argutiarum tricas ex scriptorum hujusmodi-henotico-
rum traditis colligere de vera illorū intentione licet, nulla illis a iā
conciliandi & uniendi via cordi est, quam quæ conscientiam & salu-
tem omniū, potestati ecclesiasticæ, quam stabiluunt, perpetuo & ab-
solute subjiciat; ita ut ii, qui argumentorum efficacia, reprobante
mentis testimonio, cedere nequeunt, hierarchici dictaminis ponderi
cæco se submittant obsequio. Id ut recte fit, si divina demonstretur
jubentis & definiens autoritas; ita neminem ab infimæ servitutis
ignominia, & æterno conscientiæ morsu tutum præstat, qui huma-
næ solum sapientiæ aut utilitatis respectibus, collum supponit.

*JACOBI TOLLII FORTUITA, IN QUIL-
BUS PRÆTER CRITICA NONNULLA, TOTA FABULARIS HI-
STORIA GRÆCA, PHÆNICIA, ÆGYPTIACA AD CHEMIAM
PERTINERE AFFERITUR.*

Amstelodami, apud Janssonio Waesbergios, 1687, in 8.

IN fabulis Poetarum non minus, quam in hieroglyphica Ægyptio-
rum doctrina, artem χρυσοποιητὴν velut sub involucre quodam
vel aulæo latitare, non uno loco affirmavit grande hodie Daniæ suæ
decus, Olaus Borrichius, in doctissimo tractatu *de ortu & progressu
Chemiae*. Sed idem ante eum tum alii complures, tum Michaelin-
primis Majerus, Comes Palatinus Cæsareus, Medicinæ Doctor &
Cæsareus Archiater, peculiari libro ostensum ivit, cuius hic est titu-
lus: *Arcana arcansima, h. e. Hieroglyphica Ægyptio-Græca, vulgo nec-
dum cognita, ad demonstrandam falsorum apud antiquos deorum, dea-
rum, herorum, animantium, & institutorum pro sacrис receptorum
originem, ex uno Ægyptiorum artificio, quod aureum animi & corpo-
ris medicamentum peregit, deductam; unde tot Poetarum allegoriae,
scriptorum narrationes fabulose & per totam encyclopædiam errores
sparsi clarissima veritatis luce manifestantur, sueque tribui singula re-
situuntur, sex libris exposita.* Cujus libri impressi dum memini-
mus, non possumus non gemelli tractatus facere mentionem, ab
eodem Majero propria manu scripti, & quod sciamus, necdum edi-
ti, qui

ti, qui a non-nemine Bibliothecæ Paulinæ nostræ non idem pridem fuit donatus. Ejus inscriptio est: *De Theosophia Egyptiorum ut antiquissima, sic abdita & sacra, ad Grecos hinc & Romanos, usque finitos, superstitione Ethnicae idolatriæ nomine traducta, & ad nos fabulosò poetorum figuramentorum nomine derivata, multarum artium circulo, hoc est, de naturali rerum metallicarum artificio, quo pristina mundi ætas quingentis ante Christum natum annis exercebatur, ex umbra sermonis allegorici, remoris falsis & ridiculis passim ad mores & alia etiam vulgo nota detorsionibus, in lucem recens exposito. Tractatus veritatis inquisitione utilissimus, & scitu pernecessarius, autore Michaelo Majero Phil. & Med. D. &c.* Est equidem & hic MStus, ut prior impressus, Majeri tractatus ejusdem argumenti; at si principia cum postprincipiis ceteraque omnia inter se conferuntur, plane alia opusculi illius ab hujus structura ac dispositio deprehenditur. De cætero, quod Majerus in tractatibus jam recensitis ostendere sategit, id ipsum quoque in Fortuitis supra memoratis persequitur clar. Tollius. Inclaruit is hactenus tanquam Philologus Criticusque non e trivio, quippe qui Ausonium cum notis suis & variorum Amstelodami A. 1671; Ciceronis orationem pro Archia cum notis suis Lugduni Batavorum A. 1677; Gustum ad Longum ut & ἔρωτος νοιμώμενον, & Lucianum de Calumnia cum notis suis ibidem A. 1677 edidit. In hisce autem Fortuitis, ut vocat, suis sub initia hujusdem anni evulgatis, non Criticum tantum agit, sed & Physicum & Chemicum, vel Chemicum fabularum poeticarum interpretem; & Criticum quidem in cap. I, ubi veterem inscriptiō nem de Junone Patulcia illustrat; III, in quo Petronium cum Virgilio confert; IV, in quo Sophoclis in imitando Herodoto judicium expendit; V, in quo Passieni apud Senecam nominis immutationem indicat; VII, ubi Florum & Ciceronem aliquoties tentat; VIII, ubi Lucilium emendat; X, in quo nonnulla in Floro restituit; XIII, ubi Virgilium cum Homero comparat; XIV, in quo Seneca cum Sophocle confertur; XVII, ubi paradoxa Ciceronis aliquoties emendantur; XIX, XXI, XXII, XXVI, & XXIX, in quibus multa in Floro corriguntur; quorsum & cap. XVI de formula salutationis *Pax vobiscum*, caput item XXV, quo epigrammata quædam partim recensuntur; partim vertuntur, & caput XXVIII de fraudibus sacris, referenda.

ferenda veniunt. Physicum autem agit Tollius in cap. VII, ubi de capillis differit; IX, in quo dispicit, cur luna corporibus proceritatem conferat; XI, in quo virginum ac vetularum discrimen ostendit, &c. XXI, ubi de visu ex professo agit: Chymicum denique in c. II, ubi numerum quinariū Chemiæ; V, in quo aram Amphiarai; c. XII, ubi Lunæ & Solis colores Chemice exponit; XVIII, ubi disquiritur, cur Diana ante Solem sit genita; XXIII, in quo Deucalionis & Pyrrhæ fabula Chemice enarratur, & XXXI, in quo non Regulus tantum stellatus describitur, sed aliae quædam fabulæ chemice explicantur. His gemina & alia adjicere se potuisse profitetur in præfatione ad lectorem, fabulam nempe Augiæ, fabulas item de columnis Herculis, de columnis ad arcā Osiridis, de columna Solis, & gemmantibus ex ea lauris, de Petris Ambrosiis, de Cyaneis insulis; de Minerva, Iside, Procne in hirundinē mutatis; de Luna, Iside, Astarte, Cybele, Venere, cur illæ matres mundi, & magnæ matres; de Ovo mundi, Castoris, Pollucis & Helenæ; de phallis templi Deæ Syriæ, de Priapo, de mysteriis Cereris Eleusiniæ, de Diana Priapia, de imbre aureo, quo Danae inpleta &c. Nam ex his quoque, pluribusque aliis antiquorum fabulis naturam lapidis Philosophici, qui merum ab aliis ingenii commentum habeatur, mirifice elucescere confidenter afferit. Fortuitis autem hisce & alia annexuit CL. Tollius; et primum quidem tractatum, qui inscriptus est, ἐγως νοιμώμενος, seu expositionem marmoris antiqui, in quo Cupido leoni indormiens exhibetur, reflexa in sinistrum humerum dextra, sinistravero duo papapera complexus, quibus lacerta adrepit, cum literis ad dextrum latus insculptis: O. V. A. R. N. M. Ediderat id libelli Tollius, ut supra indicavimus, Lugduni Batavorum A. 1677, literasque hasce sic fuerat interpretatus: *Omnis Vis Amoris Requie Nocturna Mitescit.* Sed Cl. Rondellius, Professor Trajecti ad Mosam, nocturnum tempus amantibus longe aptissimum esse exputans, scripta Gallice epistola longe aliter literas jam dictas interpretat⁹ fuit, & quidem hoc modo: *Omnis Vis Amanti⁹ Requiescens Null⁹ Momenti.* Item: *Oestro Vernantis Amoris Resistere Nil Miserius.* Igitur non recudi tant⁹ fecit suum ἐγωτα νοιμώμενον Tollius, sed Rondellii quoq; epistolā de eodem Gallicā latine vertit, suasq; illi notas hac occasione subjecit: ad quas quæ Rondellus statim regessit, in Novellis Reipublicæ Litterariæ mente Martio hujus anni artic. 7. exhibentur. Addidit deinceps & Orationem,

tionem, eamque inauguralem de *Fontibus Eloquentiae* in Academia Teutoburgica habitam, in qua non Historiarum tantum & Græcæ linguae, sed & Eloquentiæ Professor fuerat constitutus; ut & Carmen seculare heroicum in trecentesimum primum natalem Academiae Heidelbergensis superiore anno solennissime celebratum; nec non Odam Alcaicam in Natalem LXXII Serenissimi Principis PHILIPPI GULIELMI Comitis Palatini ad Rhenum, S. R. I. Architefaturarum & Electoris; una cum indice rerum & verborū satis locuplete, ut & notatione multorum erratorum typographicorum, quibus hic liber ob absentiam Autoris mirum quantum est defœdatus. Promittit alias idem CL. Tollius in dedicatione Fortuitorum horum ad Serenissimum Principem FRIDERICUM, Marchionem Brandenburgensem, & S.R.I. Archicamerariatus & Electoratus hæredem, cui & Orationem, quam diximus, inauguralem dedicaverat, directa, se non *Lucretium* tantum ac *Longinum*, sed & *Sallustium*, *Florum*, *Phædrum* & *Artemidorum* cultiores atque emaculatiores editurum, seque eo fini iter jam ingressum, ut tum Budensem, tum alias nobiliores Bibliothecas excuteret. Quod institutum cum orbis literato non possit non esse proficuum, nos Viro boni publici studiosissimo, jamque in itinere constituto felicem itum ac redditum apprecamur.

JOHANNIS MUY'S PRAXIS CHIRURGICA Rationalis, sive Observationes Chirurgicæ, &c.

Decas V.

Lugduni Bat. in 12.

EX quo quatuor priores Praxeos hujus Chirurgicæ Decades in Actis nostris A. 1685, mense Mayo recensuimus, præsens etiam quinta ab Autore edita est, sed adjecta promissione de pluribus adhuc publicandis. Distulimus itaque quintam hanc Decadem, donec divulgarentur & reliquæ, eadem nempe opera recensendæ. At qui a Decades quidē hujus Praxeos Chirurgicæ plures ad nos nondū pervenerunt, opusculum vero ejusdem Autoris aliud non ita pridem in manus nostras incidit proxime memorandum, rem non ingratam.

Benevo-

Benevolo Lectori facturos nos duximus, si quinta illius Decadis contenta præmitteremus.

Observatione itaque prima Auctor vulnus capitum ex contumione proponit, cum accurata methodo medendi, reddens simul in explicatione curationis haud inelegantes rationes, quamobrem vulnus linteis carptis impleverit? cur rasilis lanugo lintei, Belgice catoen dicti, in vulneribus adhibita inflammationem gignat? cur olea vulneribus imposuerit nulla &c. Extravagatur deinde paululum, variaque differit de vulneribus stupendis cranii ac cerebri curatis; de difficultate curationis vulnerum capitum in illis, qui venerea lue laborant; de vulneribus occipitis, ossis bregmatis, temporum; de fissuris suturarum; de contrafissura; de enchirisis in vulnerum capitum religatione & trepanatione attendendis; de remediis in duræ matris vulneribus adhibendis; de victu capitum vulnere decumbentium; deniq; de remedio sternutationem, quæ adeo noxia est in vulneribus hisce, impediente.

Observevat. 2. vulnus thoracem penetrans exhibet, iterumque varia profert, chirurgo tyroni admodum scitu necessaria. Scilicet quomodo vulnus thoracis nimis augustum commode dilatari possit? quali specillo profunditas vulneris debeat explorari? cur turundæ filo sint alligandæ, & quamdiu debeant adhiberi? quid agendum, si anteriores thoracis partes simul læsæ, aut vas sanguineum magnum vulneratum? quomodo pulmones læsi cognoscendi? quid expectandum in vulneribus diaphragmatis, cordis & pericardii? num tuto possit cannula argentea vel plumbea loco turundarum in thoracis vulneribus adhiberi? quomodo sanguis in thoracis cavitate coagulatus cito possit resolvi, ut effluat per vulnus, & quid circa paracenthesin thoracis observandum, &c.

Obs. 3. de vulnera abdominis penetrante loquitur, ad cuius explicationem subiungit rationem, quare vulnera abdominis etiam non penetrantia difficile curentur? quid in testium vulneribus metuendum? cur vulnera abdominis quo ampliora, eo magis periculosa sint? quid agendum, ubi, portio omenti vel intestini extra vulnus pendeat? vulnera epatis qualia excipient symptomata? quid mali vulnus lienis, renum & vesicæ accerfat ægris?

Obs. 4. agit de arteria brachii vulnerata, proponitque reme-

dia, quibus adhibitis, vulnus hoc feliciter fuerit sanatum. Præterea vero rationem reddit, cur vulnera talia, si supra cubitum habeant sedem, difficilius medicinam admittant, quam si infra cubitum occurrant. Refert deinde se instrumenta possidere ferrea, quibus facile sanguis ex arteriis dissectis profiliens possit compesci; descriptionem tamen ipsorum reticet. Ultimo quæstionem proponit, num liceat in ægris, ubi maxima sanguinis pars per vulnus effluxerit, transfusionem sanguinis tuto celebrare?

Obs. V. fracturam tibiae cum vulnere ejusq; curandi methodum sistit. Rejicit autem in ea venæ sectiones & purgantia, item ligaturam octodecim capitum dictam, qua alias a practicis in usum vocantur; redditaque ratione, quare lactantium ac gravidarum ossa fracta tam difficile sanentur, duo problemata resolvit, cur hyeme serena facilius diffringantur ossa? & unde proveniat terror post somnum in illis, qui ossium fractura decumbunt?

Obs. VI. de dislocatione tali loquitur cum vulnere conjuncta, quo in affectu periculum summum perpendens, consilium Sculteti examinat & rejicit, recensendo modum curationis in ægro hocc, felici successu adhibitum.

Obs. VII. de naso ob frigus hybernum læso agit, proposita que hujus affectus causa, rejicit scarificationes partis & sanguisugas ab aliis practicis ad curam morbi commendatas, ipsorum vero in locum resolventia & sale volatili turgida, uti sunt vapor spiritus vini, sperma ceti, &c. laudat...

Obs. VIII. Brachii atrophiam cum imbecillitate motus ac algore conjunctam tradens, non vulgaribus unguentis & emplastris, sed cucurbitulis non scarificatis, fotuq; ex acribus ingredientibus parato curari posse docet...

Obs. IX. uvulam ac tonsillas male habentes ad examen vocat, cumque & in his acidum primario peccare existimet, gargarismata cum spiritu salis armoniaci acuata maxime extollit, obiter etiam, quid de laryngotomia sentiendum, insinuat...

Obs. X. labium leporinum describit, cum apparatu chirurgico cautelisque ad curam ejus necessariis.

MENSIS JULII A. M DC LXXXVII. 399
JOHANNIS MUTS, MED. DOCT.
Podalirius Redivivus.

Lugd. Batav. apud Petr. van der Aa, 1686, in 12.

Quid sibi velit Auctor nobilissimus Podalirio hocce Redivivo, ipse in præfatione clarissimis verbis eloquitur. Postquam, inquit, quinque observationum chirurgicarum decades jam in lucem edideram, nonnulla mibi in mentem venerunt, quæ cum fructu huic meo tractatu anniecti posse existimabam, ideoque hunc dialogum composui, in quo *Podalirius redivivus* & *Philiater colloquuntur*. A Podalirio propemodum nonnisi flosculi apportantur fragrantes ex Parci, Guilemeau, Pigrati, Aquapendentis, Fallopii, Hildani, aliorumque præclarorum, quamvis nimis prolixorum chirurgia scriptorum. Quicquid autem Philiater in medium profert, aut ego ipse in praxi medica expertus sum, aut ratiocinando excogitavi, vel denique ex solidioribus recentiorum scriptis excerpti. Est itaque præsens scriptum instar commentarii ad universam Auctoris Praxin Rationalem; singulis namque observationibus quædam, quæ in particularibus capitibus tractare commode haud poterat, nihilominus tamen ad illustrationem ipsius observationis aliquid adhuc facere judicaverat, addere hic voluit. Exempli loco sit discursus ad decadis primæ observationem primam. Recenset ibi Philiater primo, quid agendum sit Medico Chirurgo si oculus extra orbitam prolabatur. Progreditur postea ac commemorat visus debilitatem, quam sibi accersunt, qui quotidie aqua frigida solent lavare oculos. Suadet deinde cicatricem oculorum nunquam tangendam; neutiquam enim ejus remotionis spem superesse. Porro qui eminus videre nequeunt, a medicamentis nullum solatium, sed tantum a vitris concavis expectare debere, prohibet. Denique adversus palpebrarum rubedinem, inflammationem cum sordibus, rubore, oculorum, ophthalmiam diuturnam, fistulam lachrimalem, cataractam scirrhumq; oculorum cancrosum proponit remedia. Nimii essemus, si scholia reliquis observationibus adjuncta speciatim exponeremus; quapropter solum ex ipsis quæda quæ Auctoris sunt propria, aut alias non ubivis obvia, recensere placet. Pagina 20. de fonticulis ipsorumque usu differens dicit,

signum:

signum haberi certum, haut amplius prodeste fonticulum, ubi carnea excrescentia in margine ejus appareat. P. 26. spiritum salis ammoniaci aromatisatum, se s̄p̄ius in gangrēna felici successu usurpasse, refert. P. 31 spiritum frumenti magis esse anadynum, quam vini, experientia edoctus affirmat. P. 37 cæcum a nativitate literas pingere didicisse commemorat, & quidem hac methodo: ex ligno aut alia materia omnes literæ efformabantur, tantæ magnitudinis, ut cæcūs earum figuræ tactu dignoscere posset, atque ita progressu temporis calami ope in charta easdem imitatus est. P. 55 nervos læsos convelli non solum, sed etiam convulsionum esse causas, observatione singulari adversus Dn. Bontekoe tueretur. P. 71. in crystallo montana tam interne quam externe adhibita, admodum conveniens contra cancrum latitare remedium, rationibus & experientia evincit. P. 82. ignivori quomodo se adversus flammæ violentiam munitant, patefacit. P. 96 abcessus mammarum sine turridis feliciter sanari refert. Plura dabit evolutio ipsius tractatus, non prolixii.

LIBRI NOVI.

Divi Chrysostomi Epistola ad Cæsarium Monachum juxta exemplar Cl. V. Emerici Bigotii: cui adjunctæ sunt tres Epistolice Dissertationes, &c. Authore Jacobo Basnage. Roterod. 1687. in 8.

Prænotionum Canonicarum libri V, quibus sacri juris atque universi studii Ecclesiastici principia & adminicula enucleantur: authore Joh. Doujatio. Parīs. 1687. in 4.

Traité de l' Aiman, par Mr. D . . . a l' Amsterdam, 1687. in 12

M. Tullii Ciceronis de Officiis libri tres, & in illos Samuelis Rachelii Commentarius Philosophico - Juridicus. Amstelod. 1687. in 8.

Le bon usage du Thé, du Caffé & du Chocolat, par M. de Bleghny. a Paris 1687.

Histoire des Oracles, par l' Auteur des Dialogues des Morts. a Paris 1687. 12.

Reflexions sur les cinq livres de Moysé, pour établir la vérité de la religion Chrétienne: par P. Allix. a Londres, 1687. in 8.

La Creance de l' Eglise Orientale sur la Transubstantiation, avec une réponse aux nouvelles objections de M. Smith. a Paris 1687. in 12.

Reflexions nouvelles sur les causes des maladies & de leurs Symptomes; par le S. de S. André. a Paris 1687.

Abrégé de la vie de M. Claude. a Amsterd. 1687.

Francisci Sanctii Minerva, sive de causis Latinae Linguæ Commentarius, cum animadversionib⁹ & notis Gasp. Scioppī, & Jacobi Perizonii. Franeker 1687. in 8.

L' Antiquité des Temps, rétablie & defendue contre les Juifs & les Nouveaux Chronologistes. a Paris, 1687. in 4.

Histoire des Revolutions arrivées dans l' Europe en matière de Religion, par Mons. Varillas. Tome 3 & 4. a Paris, 1687. in 4.